

الفرقة الثانية الترم 2

مادة الدعوة النظرية (د أحمد شنهان)

المحاضرة 1

السلام عليكم ورحمة الله وبركاته

بسم الله والحمد لله والصلاة والسلام على رسول الله الحمد لله وكفى وصلاة وسلاماً على عباده الذين أصطفى وبعد...
فمرحباً بكم أيها الأخوات الفضليات أسأل الله أن يجمعكم جميعاً صحبة في الجنة اللهم آمين يارب

بعد غياب شهرين أو ثلاث شهور مأخذناش حاجه فعوداً حميداً إن شاء الله هبنا معكم إن شاء الله في الترم الثاني في مادة ..
الدعوة النظرية إلى ابتدئنا أن ود حازم الترم الأول د حازم كان معه الفرقة الثالثة وأنا كان معي الفرقة الثانية ولكن د حازم
بسبب إنشغاله لأن معه أكثر من مائة فأوكل إلي الأمر إني أكون مع الفرقتين في الترم الثاني أسأل الله أن ييسر علينا هذه
المهمة وأن يجعل عملاً خالصاً لوجهه الكريم بفضل الله أخذنا في الترم الأول أتكلنا بإستفاضه عن تأصيل مادة الدعوة
النظرية أو كما سمينها مادة الدعوة الميدانية أو مادة الجولات وأصلنا للمادة تأصيل من القرآن ومن السنه ومن فعل الصحابه
والسلف بفضل الله أخذنا شوط كبير في الترم الأول وتكلنا بعد كذا عن مبحث مهم جداً وهو صفات الداعية المؤثر

ف إن شاء الله نستكمل الترم الثاني بإذن الله ونبدأ مبحث تاني برودو بعنوان

التحليل الدعوى للجولات في القرآن والسنه

تحليل الدعوى لآيات القرآن التي تحدثت عن الجولات في القرآن والتحليل الدعوى للجولات التي وردت في السنه ومع
السلف بإذن الله يعني نجيب الجولات الى موجوده في القرآن ونسقط عليها التحليلات الدعويه ازاى نستخلص من هذه
الآيات ايات الجولات الى ذكرت في القرآن ازاى نستخلص منها روشتات تنفعنا في جولتنا ازاى نستخلص منها كلمات
دعويه قويه ازاى نستفيد منها في مادتنا لأن احنا عندنا المعهد أسمه معهد القرآني الدعوى.. فإحنا هنربط الأثنين ببعض
.. القرآن بالدعوه فمادتنا ف إن شاء الله هنستخلص روشتات الدعوه من القرآن

وبإذن الله معنا أئمره أول جوله في الترم الثاني هنكلم عنها جولة مؤمن آل ياسين أحنا طبعاً مش هنفسر دا مش هيبقا درس
تفسير دا تحليل دعوى لآيات الجولات في القرآن الآيات الى بتخدم مادتنا فنستخلص منها التحليلات الدعويه الى تفيدنا في
الماده بتاعتنا بإذن الله فعشان بس ما نستفيضش في التفسير ف بفضل الله أطلعت على التفسير وأستخلصت منها الأشياء
التي ستخدم مادتنا بإذن الله

مع جولة مؤمن آل ياسين

التي وردت في سورة يس مع قول الله سبحانه وتعالى **وَاضْرِبْ لَهُم مَّثَلًا أَصْحَابَ الْقَرْيَةِ إِذْ جَاءَهَا الْمُرْسَلُونَ** .. إلى قوله تعالى.. **وَمَا أَنْزَلْنَا عَلَى قَوْمِهِ مِنْ بَعْدِهِ مِنْ جُنْدٍ مِّنَ السَّمَاءِ وَمَا كُنَّا مُنْزِلِينَ** " برضو بأكد تاني دا مش تفسير دا تحليل دعوى للآيات القرآن التي وردت فيها الجولات والدعوه المبدانيه

وَاضْرِبْ لَهُم مَّثَلًا

أول وقفه نقف معاها وأضرب وأضرب مثلاً مش واذكر لهم مثلاً وأضرب إيه الفرق بين وأضرب و أذكر

وأضرب غير وأذكر وأضرب تفيد ان في بعض الأحيان بنحتاج إلى قوه في الطرح الدعوى ليه وأضرب لهم مثلاً لأن قبلها ربنا كان بيكلم عن إيه بيتكلم عن **لِتُنذِرَ قَوْمًا مَّا أُنْذِرَ آبَاؤُهُمْ فَهُمْ غَافِلُونَ** .. بيكلم عن ناس في قمة الغفله لقد حق القول على أكثرهم فهم لا يؤمنون ناس في قمة الغفله فلما تزداد الغفله لا بد أن يزداد الطرح الدعوى لازم الدعوه تبقا قويه يعني لما تشوفى بنت قدامك في غفله شديده مش هينفع معها كلمتين خُفاف لا دامتجاهه معها ضرب محتاجه معها قوه في الطرح الدعوى محتاجه معها قوه في الوعظ فهنا وأضرب نستفيد منها القوه في الوعظ لما يكون قدامك شاب أو بنت في غفله أو أعراض شديد لا بد أن يزداد الطرح الدعوى ويزاد جرعة الوعظ

شاهد لها تاني في آخر سورة الحشر ربنا يقول " **﴿وَتِلْكَ الْأَمْثَالُ لِنَاسٍ لِّعَلَّهُمْ يَتَفَكَّرُونَ﴾** ". " الزمخشري كان يقول في نضربها لناس قال نضربها تشبيه الزمخشري يقول زى ما تكون ماسك مرزبه وبتضربها في الجدار كأن بقا في جدار شديد من الغفله على قلب المدعو إلى قدامك فأنت كأنك ماسك مرزبه وبتضرب عشان تكسر هذا الجدال لكى تصل إلى قلب المدعو فدا بيتم عن طريق القوه في الوعظ و زيادة جرعة الوعظ واضرب لهم مثلاً .. تاني وقفه مثلاً دا ضرورة استخدام الأمثال في الدعوه و أهميه استخدام الأمثال والقصص المؤثره في الدعوه لما تيجى تتكلم

من أكثر الطرق إلى القلب كما الواحد بفضل الله زى ما عهدت في الدعوه الأمثال والقصص المؤثره تلاقى المدعو معاك لو أنت بتكلمه مثلاً في موضوع ممكن يكون سارح أول ما تجبله قصه مؤثره أو مثل معين تلاقيه أنتبه ليك فدا ربنا بيعلمنا إن أحنا نستخدم الأمثال والقصص المؤثره في الدعوه

وَاضْرِبْ لَهُم مَّثَلًا أَصْحَابَ الْقَرْيَةِ إِذْ جَاءَهَا الْمُرْسَلُونَ.. برودو بكرر تان وتالت أن أحنا مش هنتطرق لتفسير هناخد بس من الآيات إلى يفدنا في مادتنا **إِذْ جَاءَهَا الْمُرْسَلُونَ**

حد يعرف يجبلى اسقاط إذ جائها ؟ نستفيد منها إيه ؟

بالضبط كدا النزول لناس هما إلى راحو هما إلى نزللهم لحد عندهم وعشان كدا سبحانه الله أنا بقرأ في روح المعاني الألوسى لاقيته ذكرها بالنص كدا الا سقاط إلى أحنا قلناه دا جابها بظبط قالك إيه قال الله إذ جائها مش إذ جائهم يعني في الأول

وَاضْرِبْ لَهُم مَّثَلًا أَصْحَابَ الْقَرْيَةِ كَانِ الْمَتَوَقَّعُ إِنِ السِّيَاقَ يَبْدَأُ إِذْ جَاءَهُمُ الْمُرْسَلُونَ لَكِنْ رَبَّنَا سُبْحَانَهُ وَتَعَالَى قَالِ إِذْ جَاءَهَا مَشْ
إِذْ جَاءَهُمْ إِشَارَةٌ إِلَى أَنَّ الْمُرْسَلِينَ أَتَوْهُمْ فِي مَقَرِّهِمْ تَحْسُ إِنَّ الْأُلُوسَى كَانَ يَبْدُرُ دَعْوَهُ نَظَرَى هُوَ كَمَا

تالت وقفه وقفنها مع إِذْ جَاءَهَا الْمُرْسَلُونَ

نستفاد منها الدعوه المبدانيه والنزول لناس وإن أحنا نروح لحد الناس لحد النوادي ولحد المقاهي ولحد كل أماكن وتجمعات
الناس

رابع وقفه معنا المرسلون المرسلون دى أشاره إلى الأرسالات الدعويه دى ما النبى صلى الله عليه وسلم أرسل مصعب ابن
عمير عشان يفتح المدينه دى كانت ارسالات دعويه وذى ما النبى صلى الله عليه وسلم أرسل الصحابه الى قتلوا فى واقعة
بئر معونه والراجيه ارساليات دعويه إلى قتل فيها حرام ابن ملحان فدى ارساليات دعويه

" يبقا " إِذْ أَرْسَلْنَا إِلَيْهِمُ اثْنَيْنِ فَكَذَّبُوهُمَا فَعَزَّزْنَا بِثَالِثٍ فَقَالُوا إِنَّا إِلَيْكُم مُّرْسَلُونَ

تالت وقفه معنا فعززنا بثالث ..عززنا يعني قوينا وشددنا وعززنا فيها قرائتين عززنا بالتشديد وعززنا بالتخفيف ..قول عززنا
بمعنى قوينا وشددنا يقال عززت الماء الأرض إذا أسقط المطر على الأرض فتلبدت وقويت دا معنا عززنا التقويه والتشديد دا
المعنى الأول فى عززنا

المعنى الثانى عززنا من العزه بيقى نخرج منها بإيه بيقا قلنا عززنا قوينا وشددنا العرب يقولك تعزز لحم الناقه إذا صلب يعني
ايه باقت ناقه شديده تقدر تحمل عليها وتقدر تتقل عليها وتقدر تحمل وعزز المطر الماء إذا لبدتها وشددها بيقا المعنى الأولفى
عززنا قوينا المعنى الثانى عززنا بالتخفيف أى من العزه بيقى إذا قوتنا وتشديد بعضنا لبعض عندما نضعو أيدينا فى أيد بعض لما
الدعاه يحطو ادهم فى ايد بعض هو دا التعزيز التعزيز هيجى التقويه ولمدد هيجى والحاجه التانيه عززنا بردو مش هيبقا عندنا
عزه غير لما نخط إيدنا فإيدينا بعض لما الدعاء بيقا كلهم إيد واحده وقولهم قول واحد بيقو على قلب رجل واحد التقويه
هتيجى والمدد هيجى وكذلك العزه ستأتى

فَقَالُوا إِنَّا إِلَيْكُم مُّرْسَلُونَ " بردو فقالوا الثلاثه فنفس واحد الثلاثه اجتمعو على قول واحد دا نتجت عن إيه فقالو جات "
بعد إيه بعد فعززنا لما حصل التعزيز والتقويه لما حطينا إيدنا فإيدينا بعض لما بقينا على قلب رجل واحد بقا كلمنا كلام واحد
وما أختلفوش

قَالُوا مَا أَنْتُمْ إِلَّا بَشَرٌ مِّثْلُنَا وَمَا أَنْزَلَ الرَّحْمَنُ مِنْ شَيْءٍ إِنْ أَنْتُمْ إِلَّا تَكْذُوبُونَ * قَالُوا رَبُّنَا يَعْلَمُ إِنَّا إِلَيْكُمْ لَمُرْسَلُونَ * وَمَا عَلَيْنَا إِلَّا
الْبَلَاغُ الْمُبِينُ

رابع أو خامس واقفه نقف معها البلاغ المبين يعنى المرسلون أختصرو وظيفتهم امام القوم وقالو لهم وما علينا ما وإلا يعنى
نفى واستثناء يعنى حصر وقصر " وَمَا عَلَيْنَا إِلَّا الْبَلَاغُ الْمُبِينُ " أختصرو كل دعوتهم فى كلمتين أتنين البلاغ والمبين عشان
كدا بعدها زى ما هنعرف دلوقتى "وجاء من أقصى المدينة رجل يسعى " البلاغ من التبليغ يعنى ايه برضو يعنى ان كلامنا

يبلغ لكل الناس ويوصل لكل الناس يبقا دا المعني الأول للبلاغ من البلغى إن هو يبلغ المعني الثاني المبين الواضح المبين مايقاش فى اختلاف ولا غموض يبقا الدنيا واضحه قدام الناس كلها يبقا أختصرو دعوتهم فى كلمتين الا البلاغ المبين ..
عشان كدا بعدها ربنا قال " **وَجَاءَ مِنْ أَقْصَى الْمَدِينَةِ رَجُلٌ يَسْعَى** " بقا إلى أحنا هنقف معاها بتفصيل دى كلها مقدمه
لجولة حبيب النجار

"وَجَاءَ مِنْ أَقْصَى الْمَدِينَةِ رَجُلٌ يَسْعَى قَالَ يَا قَوْمِ اتَّبِعُوا الْمُرْسَلِينَ"

قال يا قوم أتبعو المرسلين يبقا قولنا أمتى حبيب النجار جه وجاء أمتى وجاء لما المرسلين قالو البلاغ المبين بعدها وجاء من أقصى المدينة رجل يسعى مش بكلم فى نقطه القوم ولكن لما المرسلين قالو البلاغ المبين دعوتهم وصلت وجه حبيب النجار من أقصى المدينة دعوتهم وصلت للأقصى ودا فى أحد الأقوال ليه ربنا سبحانه وتعالى قدم المفروض ترتيب الجملة ترتيب الجملة بس وجاء رجل من أقصى المدينة دا فعل وفاعل وبعد كدا الجر والمجرور ولكن ربنا قدم الجر والمجرور على الفاعل وجاء من أقصى المدينة رجل يسعى قالك التقديم هنا تقديم جرو مجرور على الفاعل عكس سورة القصص فى القصص ربنا قال إيه **"وَجَاءَ مِنْ أَقْصَى الْمَدِينَةِ رَجُلٌ يَسْعَى"** إنما هنا ربنا قدم "وجاء من أقصى المدينة رجل يسعى" قالك لبيان أن الله هداه مع بعده عنه وأن بعده لم يمنعه من الهدايه لبيان أن ربنا هداه وهو بعيد عن المرسلين يعنى حتى بعد المكاني ما منعهم من الهدايه " ذلك بأن الله يهدي من يريد

الأشاره الثانيه هنا وقيل الأشاره إلى أن أذار الرسل قد بلغ أقصى المدينة هو دا إن الرسل كانت دعوتهم قويه كان عندهم أنتشار فى دعوتهم أنتشرو فى كل مكان إلى أحنا بنحاول نعمله دلوقتى أن أحنا عايزين ننتشر بدعوتنا فى كل مكان فياترى أحنا دلوقت دعوتنا بتبلغ أقصى المدينة لما نيجى نسقط على.... دعوتنا بتبلغ أقصى المدينة دعوتنا بتبلغ النوادى وتبلغ الطبقة العليا والهاى كلاس زى ما فى سورة القصص دعوة سيدنا موسى بلغت الطبقة العليا والهاى كلاس بلغت لرجل من داخل القصر بلغت لإمرأة فرعون داخل القصر فدا دعوته وصلت لكل الطبقات وزى ما هنا معنا فى سورة يس دعوة الرسل بلغت للنجوع لنجوع النجوع بلغت لأقصى المدينة على أحد الأقوال إن فى أقصى المدينة قللك إن هو كان فى غار بيتبعبد كان ساكن فى غار كان قاعد فى غار ورغم ذلك دعوة المرسلين وصلت لنجوع النجوع فياترى احنا دعوتنا برضو بتوصل لنجوع بتوصل للبدو لكل الأماكن دى ولا أحنا قافلين على نفسنا يبقا المفروض نستفيد من دى أن أحنا ننتشر بدعوتنا وتكون دعوتنا قويه أسأل الله أن يستعملنا ولا يستبدل بنا

"وَجَاءَ مِنْ أَقْصَى الْمَدِينَةِ رَجُلٌ يَسْعَى".. نفس الكلمه إلى ربنا سبحانه وتعالى قالها مع المرسلين نفس الكلمه أتكررت مع الرجل كان ربنا بيقول فوق **إِذْ جَاءَهَا الْمُرْسَلُونَ** تحت ربنا قال **"وَجَاءَ مِنْ أَقْصَى الْمَدِينَةِ"** مش و أتى نفس الكلمه بظبط وجاء إذ جائها فلما الدعاه أتحركو ونزلو لناس كذلك الطلبه جم بعدهم واتحركو ونزلو مع الناس وهذا الرجل لم يكن ذوجاه ولا ذو سلطان ولم يكن فى عزوة من قومه أو منعة من عشيرته ولكن الإيمان الذى فى قلبه هو الذى دفعه وحركه وجعله يأتى من أقصى المدينة

يبقا الرجل دا إلى جابه الإيمان إلى في قلبه وحركه وخلاه يجي يسعى " **وَجَاءَ مِنْ أَقْصَى الْمَدِينَةِ رَجُلٌ يَسْعَى قَالَ يَا قَوْمِ اتَّبِعُوا الْمُرْسَلِينَ** "

فالراجل دا لما ربنا بعث للقرية بتعتو تلت مرسلين كان ممكن يقول بقا أنا هعمل إيه دا تلت رسل أنا بقت إلى كلامي هيقدم ولا هياخر طاب يا عم ما هما التلات رسل يشتغلو إسقاط على حالنا يعنى مثلاً لو تخيل بلد فيها تلات دعاه فيها الشيخ يعقوب مثلاً والشيخ حسان و الشيخ مصطفى العدوى والطلبه بيرمو على الدعاه بتوعهم لا دا نزل وأشتغل وقال لازم أنصر الدين بنفسى ما قعدش فبيته ساكت وقال أنا كلامى هياثر ولا هيقدم فى إيه إذا كان المرسلين معملوش حاجه بيقا انا هنزل أعمل إيه لا الراجل دا إلى حركه الإيمان إلى فى قلبه

وزى ما قلنا على أحد الأقوال إن من أقصى المدينة قول قتاده بيقول أقصى المدينة أنه كان فى غار يتعبد كان بيعبد ربنا فى غار كان بيتربى ويعبد ربنا فغار فلما عبد ربنا وتربى إيه إلى حصل نزل وأشتغل فى الدعوه ومشتغلش فى الدعوه غير بعد ما عبد بيقا هما متلازمين عبد ربنا ودعا ومدعاش غير بعد ما عبد بيقا ما عبدش وقعد فصومعته ما عبدش وقعد فى المسجد ما عبدتش وقعدت فبيتها وملهاش دعوه بالواقع لا دا عبد ونزل أنكلم عن ربنا لأن الإيمان إلى جوه قلبه هو دا إلى كان بيدفعه .. إلى أن ينزل ويككلم عن ربنا

" **قَالَ يَا قَوْمِ اتَّبِعُوا الْمُرْسَلِينَ * اتَّبِعُوا مَنْ لَا يَسْأَلُكُمْ أَجْرًا وَهُمْ مُهْتَدُونَ** " نزل أختصرهم الكلام فى كلمتين إن الذى يدعو " مثل هذه الدعوه وهو لا يطلب الأجر ولا يبتغى المغنم إنه لصادق وإلا فما الذى يحمله على هذا العناء وما الذى يدفعه إلى حمل هذه الدعوه وما الذى يحمله على مجابهة الناس بغير ما ألفو والتعرض لأزاهم وشهرهم وأستهزائهم وهو لا يجنى من ذلك كسبا ولا يطلب منهم أجرا

أختصرهم الكلام كله فى الجملتين دول قلهم طلما أنهما ما بيطلبوش أجر وطلما أنهم مهتدون فإذن لابد أن تتبعوهم لا يسألكم أجراً مش عايزين منكم أى مغنم دنيوى

تانى حاجه وهم مهتدون مهتدون بما يقولون يعنى إيه يعنى طلما ان هو يطبق إلى بيقولو بيقا لازم تمشو وراهم عشان كذا من اللطائف أن هو قال أتبعو المرسلين أتبعو من لا يسألكم أجراً كان الأصل فى كلام إن ما بيقاش فى تكرار يعنى أقصد من " **قَالَ يَا قَوْمِ اتَّبِعُوا الْمُرْسَلِينَ * اتَّبِعُوا مَنْ لَا يَسْأَلُكُمْ أَجْرًا وَهُمْ مُهْتَدُونَ** " لكن ليه ربنا سبحانه وتعالى كرر أتبعو " كلامى أتبعو قالك أتبعو التانيه دى قالك إذا لاقيت حد بهذه المواصفات لابد أن تتبعه حتى لو مش رسول طلما أن الداعيه لا يطلب أجر على ما يقول ويطبق ما يقول فلا بد أن تتبعه

وقالك بردو من اللطائف التى ذكرت فى **اتَّبِعُوا مَنْ لَا يَسْأَلُكُمْ أَجْرًا وَهُمْ مُهْتَدُونَ** " قالك أنه يقول لهم أنكم لا تخسرون شيئاً معهم من دنياكم وترجون صحة دينكم فينتظم لكم خيرى الدنيا والآخرة بيقا هنا بيكلهم عن إيه عن أنهم مش هينقصو حاجه من دينيتكم وعايزين يصححو دينكم بيقا إذن هتكسبو معهم خيرى الدنيا والآخرة بيكلهم عن الأثر الدنيوى لطاعه والأثر الأخرى لطاعه.. الطاعه هتصلحلك دينتك و هتصلحلك أخرتك ودى من مداخل القلب القلوب الأربعة

يبقى هنا بيكلهم عن إيه؟ بيكلهم عن إن هما طالما إن هما مش ناقص حاجة من دينتكم وعاييزين يصححوا دينكم، يبقى إذن هتكسبوا معاهم خيرى الدنيا والآخرة، بيكلهم عن الأثر الديني للطاعة و عن الأثر الأخروي للطاعة، هتصلحك دينتك و هتصلح لك آخرتك، ودي من مداخل القلوب الأربعة، الأثر الديني للطاعة، والأثر الأخروي للطاعة، يبقى إذن ده كان فاهم دعوة كويس، كان فاهم ازاى يدخلهم من مداخل قوية

وكم ان من الحاجات الجميلة واللطائف الجميلة إن أول كلمة قالها ((قَالَ يَا قَوْمِ اتَّبِعُوا الْمُرْسَلِينَ)) يا قوم دي يعني ايه؟ يعني بيقولهم أنا منكم، إنتو قومي، يعني هنا بيستميل قلوبهم، هنا بيتلطف معهم في دعوته ويستميل قلوبهم ويقولهم أنا منكم، بيألف قلوبهم ويستميلها نحو قبول النصيحة

زي ما انتي تيجي تكلمي بنت مثلا وعازية تتكلمي عن ربنا تقوليلها أختي في الله حبيتي في الله ، أنا منك وإنتي مني، هو ده بيستميل القلب، عارفين بيقولك الرجل يفهم دعوة كويس جدا جدا، زي ما احنا ذكرناها في الامتلاء الدعوي الرجل ده كان ممتلى بمعاني دعوية وكان فاهم فقهه وكان عنده فن دعوة، دي الحاجة اللي كنا اتكلمنا عنها من صفات الداعية المؤثر، يبقى عنده فن دعوة يبقى عنده امتلاء دعوي

يبقى هنا نموذج فن الدعوة ((قَالَ يَا قَوْمِ اتَّبِعُوا الْمُرْسَلِينَ)) ، وهنا أول كلمة قالها اتبعوا المرسلين، طب ليه هنا ربنا سبحانه وتعالى في قصة مؤمن آل فرعون زي إن شاء الله المرة الجاية واللي بعدها في مؤمن آل فرعون ، مقالش في الأول ((اتَّبِعُونِ أَهْدِكُمْ)) ، وفي الآخر قالهم ((اتَّبِعُونِ أَهْدِكُمْ)) في الآخر خالص، بعد ما جه قال اتكلم ((اتَّقِثْلُونِ رَجُلًا أَنْ يَقُولَ رَبِّيَ اللَّهُ)) إنما هنا مؤمن آل ياسين أول كلمة قالها ((اتَّبِعُوا مَنْ لَا يَسْأَلُكُمْ أَجْرًا وَهُمْ مُهْتَدُونَ)) ، قالك إن هنا مؤمن آل ياسين بدأ على طول أول كلمة في جولته ب (اتبعوا المرسلين) لأن مفيش وقت للمناظرة خلاص، ده داخل وشايف القوم يقولوا للمرسلين ((لَنَرْجُمَنَّكُمْ وَلَيَمَسَّنَّكُم مِّنَّا عَذَابٌ أَلِيمٌ)) داخل ولاقي السيوف طالعة ونازلة على، والناس هيقتلوا المرسلين، فده داخل مش لسه هيناطر معاهم، ده داخل على ناس هيطلعوا السيوف وهيقتلوا المرسلين، فلازم في البداية يختصر دعوته ((اتَّبِعُوا الْمُرْسَلِينَ))، وبعد كده بدأ يتلطف معاهم

إنما على عكس مؤمن آل فرعون زي ما هنا خدتها إن شاء الله، إن مؤمن آل فرعون كان لسه فرعون بيعمل ايه، كان لسه بياخد التفويض ((ذَرُونِي أَقْتُلْ مُوسَى)) فبياخد التفويض إنه يقتل موسى، إنما دول خلاص، دول أخذوا القرار ((وَلَيَمَسَّنَّكُم مِّنَّا عَذَابٌ أَلِيمٌ)) فعشان كده ده دخل على طول بقوة في الدعوة ((اتَّبِعُوا الْمُرْسَلِينَ * اتَّبِعُوا مَنْ لَا يَسْأَلُكُمْ أَجْرًا)) بعد كده . ((بَدَأَ يَتْلُفُ مَعَهُمْ فِي خُطَابِهِ)) (وَمَا لِي لَا أَعْبُدُ الَّذِي فَطَرَنِي وَإِلَيْهِ تُرْجَعُونَ

وبردو بس قبل ما نقل على اللي بعدها، نخرج من ((اتَّبِعُوا الْمُرْسَلِينَ)) إن هو ده داخل بيكلم ناس أقوام كفره، مش بس كده، ده بيكلم قرية اجتمعت على قتل ثلاثة من الرسل، على أحد الأقوال، إنهم رسل من رسل الله، والقول الثاني من حوار عيسى، المهم الشاهد إن دول كافرين واجتمعوا على قتل الرسل، بالرغم من ذلك ده داخل يكلمهم ويقولهم ((اتَّبِعُوا الْمُرْسَلِينَ)) .

المتوقع يدخل يقولهم مثلاً ما تقتلهموش، انتو هتقتلوههم ليه؟ لأ دا عنده علو همة في دعوة المدعو اللي معاه، ده عنده علو همة في دعوته، لأنه عاوز اللي قدامه يهتدي، مش بس مجرد إنه داخله تكلم بنت وتقولها مثلاً صلي أو اتحجي لأ، فأنتي بقي عندك علو همة إنك داخله تقوليلها، بتكلمها في الالتزام، تكلمها إنها تشيل هم الدين، إن هي تشيل هم الدين وإن هي تلتزم التزام كامل، فنخرج من دي بعلو همة مع المدعو وبالقوة في الدعوة

بعد كده قال لهم ((وَمَا لِي لَا أَعْبُدُ الَّذِي فَطَرَنِي وَإِلَيْهِ تُرْجَعُونَ)) بردو هنا بدأ يتلطف معهم في الكلام، ((وَمَا لِي لَا أَعْبُدُ الَّذِي فَطَرَنِي وَإِلَيْهِ تُرْجَعُونَ)) الجملة هنا فيها إشكالية، الضمائر هنا اختلفت حصل فيه التفات، ((وَمَا لِي لَا أَعْبُدُ الَّذِي فَطَرَنِي)) كان المتوقع (وإليه أرجع) أو يكون تركيب الجملة (وما لي لا تعبدون الذي فطركم وإليه ترجعون) مع العبادة قالمهم ((وَمَا لِي لَا أَعْبُدُ)) أي شيء يعني من عبادة ري؟، طب هو أصلاً يبعد ربنا هو أصلاً مؤمن، ده مؤمن ويدعو إلى الله وبالرغم من ذلك يقولهم ((وَمَا لِي لَا أَعْبُدُ الَّذِي فَطَرَنِي)) هو عايز يقولهم انتو ازاى ما بتعبدوش ربنا لكن جابها على نفسه، ((وَمَا لِي لَا أَعْبُدُ الَّذِي فَطَرَنِي)) فده الشق الأول

الشق الثاني بقى ((وَالَيْهِ تُرْجَعُونَ)) ((وَالَيْهِ تُرْجَعُونَ)) كان متوقع على ((وَمَا لِي لَا أَعْبُدُ)) يبقى وإليه أرجع، ليه عدل عن أرجع إلى وإليه ترجعون؟ قالك ((وَالَيْهِ تُرْجَعُونَ)) يعني يقولهم مش معنى إنكم مش مصدقين إنكم هترجعوله إنكم مش هترجعوا، يعني يقولهم إن انتو مثلاً بتفكروش في الرجوع إلى الله، مش معنى إنكم مبتفكروش في الرجوع إنكم مش هترجعوله، زي هنستفيد منها مثلاً، بنكلم شاب مثلاً مش معنى إن إنت مبتفكرش في الموت إنك مش هتموت، مش معنى إنك مبتفكرش في الآخرة إنك مش هتعيش أحداث الآخرة، هو ده بالضبط، يقولهم مش معنى إنكم مبتفكروش في الرجوع إلى الله إنكم مش هترجعوا، غصب عنكم وبارادتكم ترجعوا إلى ربكم، ((وَالَيْهِ تُرْجَعُونَ))

وقفة تالته بقى مع ((وَمَا لِي لَا أَعْبُدُ الَّذِي فَطَرَنِي)) يبقى قلنا القول الأول؛ ((وَمَا لِي لَا أَعْبُدُ)) أي ما الذي يعني أن أعبد وما الذي يمنعكم عن عبادته؟، المعنى الثاني الجميل جداً في ((وَمَا لِي لَا أَعْبُدُ فَطَرَنِي)) قالك وما لي أي ما الذي لي عند ري إن لم أعبد، بيكلمهم هنا عن الأثر الدنيوي للطاعة، يقولهم أنا لو معبدش ربنا، أنا كده ماليش كرامة عند ربنا، كده ماليش حاجة عند ربنا، كده ماليش إن أرفه ايديا وربنا يديني اللي أنا عايزه، كده ماليش كرامة عند ربنا، بيكلمهم عن الأثر الدنيوي للطاعة، يقولهم انتو لو عبدوا ربنا شوفوا ربنا هيديكو إيه، إنما لو معبدوش ربنا يبقى مالكوش حجة عند ربنا

زي كده قول الله في آخر سورة الفرقان ((قُلْ مَا يَعْْبَأُ بِكُمْ رَبِّي لَوْلَا دُعَاؤُكُمْ)) أي ليس لكم وزن ولا قيمة عند الله، وليس لك كرامة عند الله إن لم تكن عابداً لله، فهنا بيكلمهم عن الأثر الدنيوي للطاعة، قلنا الراحل ده كان عنده فن دعوة عالي جداً، كان عارف مداخل القلوب، دخلهم من الأثر الدنيوي للطاعة والأثر الأخروي للطاعة، ورجع تاني استمالة القلوب ((يَا قَوْمِ اتَّبِعُوا الْمُرْسَلِينَ)) فالراحل كان عنده فن دعوة، بالرغم من إنه كان في أقصى المدينة

المعنى الثاني ((وَمَا لِي لَا أَعْبُدُ))، على أحد الأقوال أي ما لي، أي شيء لي إن لم أعبد الله، زي كده في قول الله في سورة التوبة ((يَا أَيُّهَا الَّذِينَ آمَنُوا مَا لَكُمْ إِذَا قِيلَ لَكُمْ انْفِرُوا فِي سَبِيلِ اللَّهِ اثَّاقَلْتُمْ إِلَى الْأَرْضِ)) قالك ما لكم، أي ليس لكم

نخرج منها في مادتنا بالكلام عن الأثر الدنيوي للمعصية، لما تعصي ربنا، تكلم شاب، تكلمي فتاة، المعصية مش هيجي وراها غير اهم والنكد، متفكريش إن إنتي لما تكشفني شعرك ولما تلبس ضيق، يبقى إنتي كده الشباب هتفتن بيكي وهتتجوزي، لأ ((العكس ده المعصية بتكون سبب في حرمان الرزق، ((إن العبد ليُحرَم الرزق بالذنب يصيبه

((إِنْ يُرْذَنْ الرَّحْمَنُ بِضُرٍّ))

وبردو من اللطائف الجميلة أوي قاهم (بضر) ضر جت نكرة وجت مفرد، جت مفرد مجتش جمع مش بأضرار بضر واحد بس، بيقولهم ضر واحد بس عقوبة واحدة بس، كفيلة إنها تدمر حياتك، عقوبة ذنب واحد بس كفيلة إنها تدمر حياتي بالكلام اللي كنا بتكلم عنه الأثر الدنيوي للمعصية.

((إِنْ إِذَا لَفِي ضَلَالٍ مُّبِينٍ))

وده بردو من التأذب، مقالمش وإنكم، هو عايز بيهزأهم بالأدب، هنا بيقولهم إنتو شوية ضلالية، انتو بتعبدوا من دون الرحمن آلهة، انتو شوية ضلال أصلا ، ولكن هو ايه أسقطها على نفسه، من التأذب والتلطف في الدعوة، ((إِنْ إِذَا لَفِي ضَلَالٍ مُّبِينٍ))، زي كده قول الله تعالى في سورة سبأ ((قُلْ لَا تُسْأَلُونَ عَمَّا أَجْرَمْنَا وَلَا نُسْأَلُ عَمَّا...)) تجرمون ؟ لأ ((وَلَا نُسْأَلُ عَمَّا تَعْمَلُونَ)) يبقى ده من باب التأذب، يبقى ده من باب التأذب مع المدعو ومن باب التلطف مع المدعو، قبل ما ننتقل للي بعدها، نسينا بس نقول حاجة

((وَجَاءَ مِنْ أَقْصَى الْمَدِينَةِ رَجُلٌ))

رجل التنوين هنا، التنوين هنا أفاد ايه؟ التنوين في رجل أفاد ايه؟ ربنا مقالش وجاء من أقصى المدينة رجل، لأ التنوين في رجل أفادت ايه؟ قالك التنوين هنا أفادت حاجتين، أول حاجة أفادت التعظيم يعني الرجل ده كان عظيم أوي عند ربنا، كان قدره عالي عند ربنا، ايه اللي علا قدره عند ربنا؟ لما اشتغل في الدعوة، لما نزل واتكلم عند ربنا علي عند ربنا وقدره زاد عند ربنا، عشان كده قالك هنا التنوين للتعظيم

المعنى الثاني في التنوين قالك التنوين هنا للتكثير، وده أفاد ايه؟ وده أفاد إن المرسلين لم يكونوا يعرفونه ليتواطئوا معه، يعني ايه؟ يعني ده رجل من ضمن الناس، مكانوش يعرفوا اسمه ولا يعرفوا فصله ولا يعرفوا أي حاجة عنه، فعشان الناس ما يحتجوش ويقولوا إنتو متواطئين مع بعض، زي ما فرعون كده استغل لما موسى هزمه في المناظرة، قال ((قَالَ آمَنْتُمْ لَهُ قَبْلَ أَنْ آذَنَ لَكُمْ ۖ إِنَّهُ لَكَبِيرُكُمُ الَّذِي عَلَّمَكُمُ السِّحْرَ)) قال ده منكم

فهنا بيقولك أفاد التكثير لأن المرسلين مكانوش يعرفوه وده كان واحد من وسط الناس، أو المعنى بقى الجميل أوي، إنه أفاد التعظيم ده إن قدره عند ربنا كان عالي، وعظمة قدره عن الله ده ايه بسبب ايه؟ إنه تكلم عن الله، دعا واتكلم عن ربنا زاد مقامه عند الله، عشان كده هنيجي بردو ونقول الرجل ده كان عالي عند ربنا بشاهد تاني ((قِيلَ ادْخُلِ الْجَنَّةَ ۖ قَالَ يَا لَيْتَ قَوْمِي يَعْلَمُونَ)).

((قِيلَ ادْخُلِ الْجَنَّةَ))

ولم يقل الله قيل له ادخل الجنة، الفرق بين قيل ادخل الجنة وبين قيل له ادخل الجنة، ربنا مقالش قيل له ادخل الجنة، قالك قيل ادخل الجنة لانصباب الغرض إلى المقول وعظمته لا إلى المقول له، مفهومة؟ لانصباب الغرض إلى المقول، القول ادخل الجنة، لا إلى المقول له، لأن الأهم إن الكلمة اتقالتله مش المهم الكلمة اتقالت لمين، الأهم إن الكلمة اتقالتله ادخل الجنة، الكلمة الي كان عايش عليها، الكلمة اللي كان طول عمره مستنيها، إنه يدخل الجنة، ولكن متقالتش غير امتي؟ متقالتلوش غير لما دفعه تمنها، متقالتلوش ادخل الجنة غير لما دفع تمنها، غير لما نزل واتكلم عن ربنا، واتقتل وهو بيتكلم عن ربنا، زي ما المفسرين قالوا لما قال لهم ((إِنِّي آمَنْتُ بِرَبِّكُمْ فَاسْمَعُونِ * قِيلَ ادْخُلِ الْجَنَّةَ)) قبل ما نبدأ ادخل الجنة، ((إِنِّي آمَنْتُ بِرَبِّكُمْ فَاسْمَعُونِ)) قالك هنا هو بيكلم مين.

:((إِنِّي آمَنْتُ بِرَبِّكُمْ فَاسْمَعُونِ))، على 3 أقوال)) -

أول قول؛ إنه بيكلم المرسلين بيستشهد المرسلين، يقولهم إني آمنت بربكم فاشهدوا لي عند ربكم، وأعلمكم أي آمنت بربكم لأأرزكم وأناصركم، ده القول الأول بيكلم المرسلين

القول الثاني؛ قالك بيكلم القوم الكافرين اللي هما بيقتلوه، اللي هما جاين يقتلوه اللي هما رجموه، يقولهم إني مش خايف منكم وبعلي إيماني قدامكم ويقولكم إني آمنت بربكم

القول الثالث، ده قول جميل جدا جدا (فاسمعون) قالك فاسمعون هنا بينادي، فاسمعوون، قالك هنا بينادي على مين؟ قالك هنا بينادي عايز يوصل صوته لمن هو بأقصى المدينة، عايز يوصل صوته لكل الناس، فكأنه بيشكر نعمة ربنا، زي ما أنت يا رب هدني وأنا بأقصى المدينة أنا عايز أوصل صوتي لمن هو في أقصى المدينة، فهنا بيعلي صوته يقول إني آمنت بربكم فاسمعوون بينادي على اللي في أقصى المدينة لكي يسمعهم

قِيلَ ادْخُلِ الْجَنَّةَ)) الكلمة اللي كان مستنيها وكان عايش عشائها))

((قَالَ يَا لَيْتَ قَوْمِي يَعْلَمُونَ * بِمَا غَفَرَ لِي رَبِّي وَجَعَلَنِي مِنَ الْمُكْرَمِينَ))

((آخر حاجة،))(قَالَ يَا لَيْتَ قَوْمِي يَعْلَمُونَ

بالرغم من أنهم قتلوه، يعني في أحد الأقوال أنهم وثبوا عليه ووطنوه بنعالمهم حتى خرجت أمعائه من....، يعني شوفوا قتلوه شر قتلة، دهسوه بنعالمهم وبالرغم من ذلك لم يدعوا عليهم ولم يتمنى لهم النار ولكن تمنى لهم الإيمان وتمنى لهم الجنة، شايف، شايف حلم هذا الرجل، بالرغم من إنهما قتلوه، وبالرغم من ذلك بيتمنى لهم الإيمان، فناخد من دي الحلم على المدعو وعدم التعجل بالدعاء على من يرفض الدعوة ، نتعلم من دي الحلم على المدعو

((قَالَ يَا لَيْتَ قَوْمِي يَعْلَمُونَ))

قالك بيتمنى لهم، بالظبط زي ما النبي -صلى الله عليه وسلم- لما جاءه ملك الجبال لو أمرتني أن أطبق عليهم الأخشبين قال
إني أريد أن يخرج الله من أصلابهم من يوحد الله، ((قَالَ يَا لَيْتَ قَوْمِي يَعْلَمُونَ)) تمنى لهم، في رحلة الطائف جزاكم الله خيراً،
((قَالَ يَا لَيْتَ قَوْمِي يَعْلَمُونَ)) هنا يقولك تمنى لهم الإيمان أن يؤمنوا كما آمن و قالك تمنى لهم الجنة، لم يتمنى لهم النار وإنما
تمنى لهم الجنة.

((آخر حاجة نختم بيها ((بِمَا غَفَرَ لِي رَبِّي وَجَعَلَنِي مِنَ الْمُكْرَمِينَ

قالك ما هنا، إما إنها مصدرية وإما استفهامية، القول الأول الأرجح إنها مصدرية لأنها ما مش زي مثلاً ((عم يتساءلون)) ما
فيها ألف فيها همز، فيها ألف وقف، ((بِمَا غَفَرَ لِي رَبِّي)) على إنها مصدرية يقولهم على الذي غفره لي ربي ، بمغفرة ربي لي، يا
((ريتكو تعرفوا إن ربنا غفر لي، ((بِمَا غَفَرَ لِي رَبِّي

القول الثاني بقى وده قول جميل بردو، وإن كان أضعف من القول الأول قالك استفهامية، ما هنا استفهامية أي بأي شيء
غفر لي ربي؟، يا ليت قومي يعلمون بأي شيء غفر لي ربي؟ طب هو ربنا غفرله بإيه؟ قالك الجواب بالدعوة وما كان منه معهم
-من المصابرة لإعزاز الدين، بدعوته -الله يفتح عليك

يعني يقولهم إن ربنا غفر لي بدعوتي، فأنا عايزك تستشعري المعنى ده وإنت نازلة تتكلمي عن ربنا، إنه زي ما إنتي هتكلمي
بنت عن ربنا وتكوني سبب في توبتها وتكوني سبب إن ربنا يغفرها ذنوبها، كذلك الله سيغفر لك ذنوبك، يبقى إذن الدعوة إلى
الله من أهم الأسباب في مغفرة الذنوب

((بِمَا غَفَرَ لِي رَبِّي وَجَعَلَنِي مِنَ الْمُكْرَمِينَ))

ليه جعلني من المكرمين؟ من المكرمين لأن النزول للناس أحياناً يبقى فيه بعض الإهانة، يعني ممكن نازلة تتكلمي مع بنت
تقولك إنتي مالك إنتي؟ وإنتي بتكلميني ليه؟ ممكن يجيب بعض الإهانة، الدعوة الميدانية والنزول بين الناس ممكن يجيب بعض
الإهانة، فعشان كده ربنا قال من المكرمين، فده الجزء من جنس العمل

تكلم شاب يقولك يا عم يتريق عليك ويستهنأ بيلك ويسخر من كلامك، فهنا الجزء من جنس العمل، زي ما أنت أذيت
وزي ما انتقصت كرامتك بسبب الدعوة إلى الله، فهنا في الآخرة ((وَجَعَلَنِي مِنَ الْمُكْرَمِينَ))، بالفعل زي ما ببذل نفسه في
الدعوة إلى الله يعزه الله.

((آخر حاجة نختم بيها ((وَمَا أُنْزِلْنَا عَلَى قَوْمِهِ مِنْ بَعْدِهِ مِنْ جُنْدٍ مِّنَ السَّمَاءِ وَمَا كُنَّا مُنْزِلِينَ

قال ابن عباس أو قال قتادة، قال ابن عباس لما قتلوه أنزل الله، أوحى الله إلى جبريل أن يصيح فيهم صيحة واحدة فماتوا عن
بكرا أبيهم، ماتوا كلهم.

يبقى إذن ربنا عجل بهلاكهم امتي؟ لما راح المرسلين ولا لما قُتل حبيب النجار وجهر بالكلمة الحق في وجه الظالمين، لما جهر بكلمة الحق في وجه الظالمين استعجل الظالمون هلاكهم، يبقى إذن لن يهلك الظالمون إلا إذا جهر الدعاة بكلمة الحق في وجوههم.

يعني دي كانت بعض الوقفات وبعض التحليلات الدعوية لأول جولة كانت معنا جولة حبيب النجار أو جولة مؤمن آل ياسين، اسأل الله أن يفهمنا وأن يعلمنا، وأن يرزقنا العمل بما قلناه، وأن يجعلنا من الذين يستمعون القول فيتبعون أحسنه. آخر توصية بس رجاء إن احنا عايزين منكم نفرغ الدروس بتاعة الترم الأول، الفرقة الثالثة تفرغ دروس د/ حازم، والفرقة الثانية تفرغ الدروس اللي قلناه في الترم الأول، ومن أول النهاردة كده عايزين نفرغ الدروس، لو نقسمها مثلاً ورش، كل ورشة مثلاً تتولى، ما شاء الله أغلبها متفرغ، طب يا ريت التفرغات بقى، طب نجمع الأول التفرغات كلها، جميل نحاول بس عشان بس عايزين نكتب المادة لأن المادة لحد الآن لم تكتب، د/ حازم عايز أقعد معاه عشان نكتب المادة بإذن الله، وأول بأول الدرس اللي يتقال بإذن الله يتفرغ عشان إن شاء الله على آخر التوم يبقى معنا المادة جاهزة، إن شاء الله وتبقى جاهزة لمن بعدكم، واحتسبوا هذه النية بإذن الله، بترسخوا حجر الأساس لهذه المادة، اسأل الله أن ينفع بكم واسأل الله أن يجعلنا من الذين يستمعون القول فيتبعون أحسنه، أقول قولي هذا واستغفر الله لي ولكم وجزاكم الله خيراً

سؤال

مصدر تربيته العبادة فقط -

لأ هو هنا مكانش منقطع انقطاع للعبادة، القول اللي هو كان في غار يعبد ربنا، لأ هو كان زي كده النبي -صلى الله عليه وسلم- لما كان بيذهب يتعبد في غار حراء، فكان من أساليب التربية إن هو ينفصل عن الناس والعزلة عن الناس للعبادة ولكن كان في وسط الناس بردو، هو كان بينعزل فترة لكي يتعبد ولكي يتحنث كما هو في حديث جبريل، مش العبادة لوحدها.

عزلته على ذلك يدل. مش فاهم السؤال

بالضبط قتادة لما قال كان في أقصى المدينة في غار يعبد الله، مكانش منعزل تماماً، لأ ده كان له ورد عبادة مثلاً، كان له رد خلوة بربه وورد عبادة بربه، فلما نزل للواقع عمل بطولة، يبقى إذن لما عبد وتربى لما نزل للواقع عمل بطولة، العبادة جزء من التربية وليست كلها التربية، العبادة جزء من التربية وليست كلها التربية.

نعم نعم هو كان في أقصى المدينة ولا يدل ذلك على عزلته، جزاك الله خيراً

في سؤال ثاني؟ جزاكم الله خيراً، السلام عليكم ورحمة الله

المحاضرة 2

طيب نستكمل بإذن الله ما بدأناه في المرة السابقة، بفضل الله بدأنا في المرة السابقة، قلنا هنبداً بحث أو مبحث التحليل الدعوي لجولات القرآن، خدنا المرة اللي فاتت جولة مؤمن آل ياسين، بفضل الله استفضنا في الوقفات الدعوية، وحللنا كلام مؤمن آل ياسين، وأخذنا بعض الفوائد التي أرجو الله أن ينفعنا بها.

طيب سؤال بقى يا ترى طبقنا اللي احنا قلناه ده، ولا احنا بنستكثر من العلم وخلاص، مش علم ، بنستكثر من المعلومات وخلاص، وحجج ربنا اللي تقوم علينا، يعني هل، مادتنا مادة دعوة نظري، دعوة نظري عشان ناخذ ونطبق على أرض الواقع، فيا إما في تقصير مني أنا إن احنا مش عارفين نوصل معلومات كويسة تفيد في، تفيدكم في الدعوة في أرض الواقع، أو إما ان احنا بناخد وبنطبقش، فيا ترى بنستفيد من اللي بيتقال وبنحاول نطبقه ولا مبنستفدش؟

ربنا يجزيكن خيراً، اسأل الله أن يستعملنا ولا يستبدلنا، طيب الجولة الثانية، الجولة الثانية في جولة مؤمن آل فرعون، المرة اللي فاتت اخدنا جولة مؤمن،.

الصراحة مقصرين ربنا ييسر، طب عايزين نتشجع ، ونبدأ بحاجة بسيطة، أنا والله لما بتكلم معاكم، لما بدى المادة دي بتشجع ان اشتغل في، يبقى دافع ليا إن أطبق اللي أنا بقوله، عشان مبقاش ((**لَمْ تَقُولُوا مَا لَا تَفْعَلُونَ**)) بتشجعني وبتحفزني على الجولة، اللي أنا بفضل الله عندنا جولة أسبوعية، لازم كل أسبوع بنزل جولة، وتاني حاجة بتشجعني على الدعوة الفردية، بتشجعني إن أنا اتكلم عن ربنا -سبحانه وتعالى- عشان مبقاش من الذين قال الله فيهم ((**لَمْ تَقُولُوا مَا لَا تَفْعَلُونَ**)).

الحاجة الثانية بتشجعني إن أنا أشجع إخواني وأشجع اللي أعرفه إن هو يتكلم في الدعوة، يعني بفضل الله بعد الدرس اللي فات، قعدت اتكلم مع زوجتي عن لازم تشتغلي في الدعوة ولازم تتكلمي عن ربنا، وفي معاني قلبية مش هتلاقيها غير لما تتكلمي عن ربنا، يعني في معاني قلبية مش هتدخل قلبك غير بالعبادة، في معاني مش هتدخل قلبك غير بطلب العلم، وفي معاني تانية مش هتعيشها غير لما تنزل وتتكلم عن ربنا، غير لما تتكلم عن ربنا وتشتغل في الدعوة، وفي معاني تانية مش هتدخل بقلبك غير بالكلام ده، بفضل الله الكلام بيوجب ثمرة، اللهم لك الحمد، إما على نطاق تشجيع الإخوة وإما على الجولات بفضل الله، نسأل الله أن يستعملنا ولا يستبدلنا.

طيب نقعد بقى مع الجولة الثانية عشان منطولش عليكم، احنا كده اتأخرنا جدًا، بعنذر والله، أنا واقف على الباب بقالي، على الغرفة بقالي يجي نص ساعة معرفش إن انتو داخل الغرفة.

مع جولة مؤمن آل فرعون في سورة غافر، حد يعرف ايه الاسم التاني لسورة غافر؟ المؤمن، الله يفتح عليك، جزاك الله خيرًا، تخيلوا بقى إن السورة تُسمى باسم هذا الرجل، سورة غافر تُسمى باسم، الاسم التاني بتاعها المؤمن، المؤمن اللي هو مين؟ مؤمن آل فرعون، تخيلوا إن سورة في القرآن تُسمى باسم مؤمن اللي عمل الجولة في هذه السورة، فعشان نعرف قد ايه، اللي بيتكلم عن ربنا، ربنا بيعلي قدره، زي ما هنيجي دلوقتي ونقول، زي ما اتكلمنا المرة اللي فاتت بالتفصيل عن مؤمن آل فرعون.

نفتح المصاحف لو معانا مصاحف، لو معانا مصاحف عشان ايه الآيات طويلة، فهنتنقل نقالات بين الآيات عشان منتوهش مع بعض.

احنا طبعًا زي ما اتفقنا، احنا مش درس تفسير، احنا بنلتقط بعض التحليلات الدعوية، اللي تفيدنا في مادتنا من آيات الجولات في القرآن عشان بس النقالات بقت سريعة متقولش إن احنا بنفسر

((وَلَقَدْ أَرْسَلْنَا مُوسَىٰ بِآيَاتِنَا وَسُلْطَانٍ مُّبِينٍ * إِلَىٰ فِرْعَوْنَ وَهَامَانَ وَقَارُونَ فَقَالُوا سَاحِرٌ كَذَّابٌ)) غافر: 23

((وَلَقَدْ أَرْسَلْنَا مُوسَىٰ بِآيَاتِنَا وَسُلْطَانٍ مُّبِينٍ)):-

أول وقفة في قول الله ((بِآيَاتِنَا وَسُلْطَانٍ مُّبِينٍ))؛ الآيات اللي هي المعجزات، السلطان المبين، قالك ايه هو السلطان المبين؟ من ضمن الأقوال في السلطان المبين، قالك ما أوتاه موسى -عليه السلام- من القوة الخلقية وظهورها، باعتبار آثارها من الإقدام على الدعوة من غير اكتراث، السلطان اللي هو الإقدام على الدعوة، من ضمن أقوال السلطان المبين ما أوتاه موسى -عليه السلام- من القوة الخلقية وظهورها، باعتبار آثارها من الإقدام على الدعوة من غير اكتراث، يبقى السلطان الي أوتاه موسى -عليه السلام- هو الإقدام على الدعوة.

تاني مقطع ((إِلَىٰ فِرْعَوْنَ وَهَامَانَ وَقَارُونَ))

فرعون اللي هو رمز للسلطان، هامان رمز للوزارة وكبار رجال الدولة، قارون رمز لرجال الأعمال؛ وده بيدل على الانتشار بين طبقات المجتمع، انتشار دعوة موسى -عليه السلام- في كل الأماكن وصل للأماكن الحساسة في الدولة، لدرجة إن بعدها ((وَقَالَ رَجُلٌ مُّؤْمِنٌ مِّنْ آلِ فِرْعَوْنَ يَكْتُمُ إِيمَانَهُ)) ده مين؟ دعوة موسى وصلت للقصر، وصلت لامرأة فرعون، وصلت لرجل مؤمن، اللي هو على أحد الأقوال، على بعض أقوال المفسرين إن هو ابن عم فرعون، فدعوته وصلت لجوة القصر.

فده يدل على انتشار دعوة موسى، ويدل على نجاح موسى -عليه السلام- في دعوته، إن دعوته مش بس وصلت للطبقات العليا، لأ، ده في ناس من الطبقات العليا التزمت، إن في ناس من الطبقات اللي فوق، التزمت وبدأت تدخل الدين، ومش بس كده، ده بدأت تشتغل وتنشر دين ربنا، زي هذا الرجل اللي معانا، ((وَقَالَ رَجُلٌ مُؤْمِنٌ)) طبعًا احنا قلنا هننقل نقالات سريعة.

((وَقَالَ رَجُلٌ مُؤْمِنٌ مِّنْ آلِ فِرْعَوْنَ يَكْتُمُ إِيمَانَهُ)) :-

((وَقَالَ رَجُلٌ مُّؤْمِنٌ)) و قال مش (ثم قال) مع سياق الآيات ((وَقَالَ فِرْعَوْنُ ذَرُونِي أَقْتُلْ مُوسَى وَلْيَدْعُ رَبَّهُ إِنِّي أَخَافُ أَنْ يُبَدِّلَ دِينَكُمْ أَوْ أَنْ يُظْهِرَ فِي الْأَرْضِ الْفَسَادَ)) في هذا الوصف، إن فرعون أراد إنه ياخذ تفويض من الملاء ومن قومه على قتل موسى، في هذا الوقت ظهر هذا الرجل، ظهر نجم هذا الرجل، زي ما كنا بنتكلم المرة اللي فاتت عن مؤمن آل ياسين، ((وَجَاءَ مِنْ أَقْصَى الْمَدِينَةِ رَجُلٌ يَسْعَى)) لما حس إن الدين في خطر، بدأ يتحرك ونزل وجاء يسعى.

هو ده بالضبط اللي عمله مؤمن آل فرعون، ((وَقَالَ رَجُلٌ)) عشان كده ربنا -سبحانه وتعالى- قال (وقال) مش (ثم قال) ثم بتفيد التراخي، إنه لما سمع إن فرعون بيجمع تفويض عشان يقتل موسى، موقفش يتفرج، موقفش يمصص شفايفه ويقول لا حول ولا قوة إلا بالله، فرعون الظالم عايز يقتل موسى، موقفش يتكلم، موقفش يندب حظه ويحسب وخلاص، لأ ده نزل واتحرك، ((وَقَالَ رَجُلٌ مُّؤْمِنٌ مِّنْ آلِ فِرْعَوْنَ يَكْتُمُ إِيمَانَهُ)) موقفش يتفرج، وبعد كده بدأ يفكر إنه يتحرك، وبعد كده..، لأ لما حس إن الدين في خطر وإن الدين محتاجه اتحرك بسرعة عشان ينصر الدين.

زي لما تشوفي بنت متبرجة قدامك، متوقفيش تقدمي رجل وتأخري رجل، اكلمها مكلمهاش، اشوف الوردة اكلمها مكلمهاش، اشوف اخر ورقة في الوردة هتنزل على أكلمها ولا مكلمهاش، لأ بسرعة، يبقى عندنا ذاتية وعندنا سرعة في الاستجابة لنصرة الدين، قلنا (و قال) مش (ثم قال).

تاني وقفة ((رَجُلٌ مُّؤْمِنٌ))

قلنا بردوه نقف مع التنوين، زي ما قلنا نفس الكلام اللي قلناه المرة اللي فاتت، في التنوين عن مؤمن آل ياسين، ((وَجَاءَ مِنْ أَقْصَى الْمَدِينَةِ رَجُلٌ يَسْعَى)) قلنا في التنوين ده فايدتين، حد فاكرو؟ (وجاء رجل) التنوين اللي في رجل ده أفاد حاجتين، هما نفس الحاجتين اللي قلناهم هنقولهم هنا إن شاء الله، بس عايزكم تفكروني بيهم، التنوين يا أخوات، التنوين أفاد ايه؟.

التنوين أفاد حاجتين؛ أول حاجة التنوين أفاد التعظيم، اللي هو ايه أسقطناها، إن قدرك عند الله لن يعلو، ولن يعظم قدرك عند الله من غير، عايز قدرك يعلو عند ربنا اشتغل في الدعوة، ده قدره علي عند ربنا لما اتكلم وعمل جولة واتكلم، المعنى الثاني التنكير، التنكير يعني إيه؟ إن مكانش موسى يعرفه، خدوا بالكم، رجل من ضمن الرجال، مكانش موسى زي ما قلنا في مؤمن آل فرعون، وجاء رجل، مكانش يعرفه، مكانش المرسلين يعرفوه

((أَتَقْتُلُونَ رَجُلًا أَنْ يَقُولَ رَبِّيَ اللَّهُ)) :-

• أَتَقْتُلُونَ، يقطع هذا الرجل فعلة القوم، هنا مين اللي عايز يقتل؟ فرعون، ((ذُرُونِي أَقْتُلْ مُوسَى)) ، هنا الراجل لما جه ينكر ما أنكرش على فرعون، مقاهوش (أتذرون فرعون يقتل موسى) إنما قال ايه((أَتَقْتُلُونَ رَجُلًا)) فسكوتكم على قتل موسى إقرارًا لقتله، وبالتالي ستصبحون جميعًا أنكم قتلة موسى، زي كده قول الله ((فَكَذَّبُوهُ فَعَقَرُوها)) في قصة ناقة صالح، اللي قتل الناقة مي؟ اللي قتل الناقة تسعة رهط، هو قدار بن سالف، هو أشقى أهل النار، واحد بس اللي عقرها ((فَتَعَاطَى فَعَقَرَ)) رغم ذلك ربنا نسب فعل القتل إلى جميع القوم، هنا بالضبط هذا الرجل يقول لهم ((أَتَقْتُلُونَ رَجُلًا)).

• تاني حاجة، تاني نقطة في ((أَتَقْتُلُونَ)) إن بالرغم من إن كانت أسهل حاجة عندهم القتل، قبلها بآيتين ربنا يقول ((قَالُوا اقْتُلُوا أَبْنَاءَ الَّذِينَ آمَنُوا مَعَهُ وَاسْتَحْيُوا نِسَاءَهُمْ)) بعدها ((ذُرُونِي أَقْتُلْ)) يبقى إذن فعل القتل ده كان منتشر، كان منتشر في المجتمع، وكان سهل خالص القتل، وبالرغم من ذلك هذا الرجل فطرته لم تنتكس، متطبعش مع الباطل، ما استمرأش المنكر، ما استمرأش الباطل، ولسه شاييف المنكر منكر، برغم انتشار المنكر متطبعش معاه، بالرغم من إن المجتمع بقى أسهل حاجة فيه القتل، بالرغم من ذلك إنه لسه بينكر هذا المنكر.

فمش معنى إن معظم البنات ماشين متبرجات، يبقى احنا عادي، يبقى الأمر ده عادي عندنا ونستمرأ الوضع، مش معنى إن شباب كثير يبسمع أغاني أو شباب كثير بيعمل حاجة غلط، أو منكر معين في المجتمع انتشر، إن احنا نستمرئ خهذا الوضع كملتزمين، لابد ألا نتطبع، مانعملش تطبيع مع المنكر، لابد أن ننكر المنكر، ولا بد أن نرى الباطل باطلاً، وأن نرى المنكر منكر، يبقى عندنا حساسات كده ضد المنكر، منتطبعش مع المنكر ولا نستمرئ المنكر.

تالت وقفة ((وَأَنْ يَكُ كَاذِبًا فَعَلَيْهِ كَذِبُهُ وَإِنْ يَكُ صَادِقًا يُصِيبْكُمْ بَعْضُ الَّذِي يَعِدُكُمْ)):-

بدأ بـ (كاذبًا) قبل (صادقًا)، ليه هذا الرجل بدأ بـ (كاذبًا) مقلهمش ((إن يك صادقًا؟)) الأول؟ جابلهم (إن يك كاذبًا) الأول؟

بدأ بـ كاذبًا قبل صادقًا، قالك ايه للتدرج مع المدعو، يتدرج مع المدعو، والتلطف معه، نستفيد منها إن أنت تتدرج مع المدعو الي قدامك، وتتلطف معه، وتلفت انتباه المدعو عشان تخليه ينتبه ليك ويسمع ليك، وهو هنا جابها ازاى لفت انتباههم ازاى؟ إن هو قال الحاجة اللي ماشية على هواهم في الأول، جاب الحاجة اللي هما مستنين حد يقولها، إن هو كذاب، إن موسى كذاب —عليه السلام—، هو جاب الحاجة اللي هما عايزين يسمعوها، جابها في الأول((وَأَنْ يَكُ كَاذِبًا)) عشان ايه؟ عشان يلفت انتباههم، وعشان يخليهم ينتبهوا إلى كلامه ويسمعوه

((وَأَنْ يَكُ كَاذِبًا فَعَلَيْهِ كَذِبُهُ ۖ وَإِنْ يَكُ صَادِقًا يُصِيبْكُمْ بَعْضُ الَّذِي يَعِدُكُمْ إِنَّ اللَّهَ لَا يَهْدِي مَنْ هُوَ مُسْرِفٌ كَذَّابٌ))

((إِنَّ اللَّهَ لَا يَهْدِي مَنْ هُوَ مُسْرِفٌ كَذَّابٌ)) نخرج منها بحاجتين:-

- أول حاجة، إن الراجل ده استخدم العقل في الدعوة، بالعقل كده بالبراهين بيثبتلهم، ((وَإِنْ يَكُ كَاذِبًا فَقَلْبُهُ كَذِبُهُ ۖ وَإِنْ يَكُ صَادِقًا يُصِيبُكُمْ بَعْضُ الَّذِي يَعِدُكُمْ)) يبقى ماشي معاهم بالعقل، يبقى الدعوة مش مجرد مشاعر، مش مجرد عاطفة، مش مجرد أحاسيس بس وخلاص، لأ لازم يستخدم العقل في دعوة من أمامك، هو بيقلولهم لو كان مسرفاً كذاباً لما هداه الله تعالى إلى البينات والمعجزات، ولو كان كذلك خذله الله تعالى وأهلكه فلا حاجة لكم إلى قتله، هو عايز ينهاهم عن قتل موسى بالعقل، هنا بدأ مرحلة بيناظرهم بالعقل.

• ثاني حاجة، ((إِنَّ اللَّهَ لَا يَهْدِي مَنْ هُوَ مُسْرِفٌ كَذَّابٌ)) فاهم سنن معاملة الله.

- ثالث حاجة بردو، ثالث وقفة مع ((إِنَّ اللَّهَ لَا يَهْدِي مَنْ هُوَ مُسْرِفٌ كَذَّابٌ))، قالك إن هذا الرجل يريد بهذا الكلام فرعون، يعني هو بيسقط الكلام ده على فرعون، ولكن جابوا بطريق التعريض، بيعرض بفرعون، مقالش إن فرعون هو مسرف كذاب، لأ هو هنا بيعرض لفرعون، فبيعرض لفرعون إن هو مسرف في القتل والفساد، وكذاب في ادعائه للربوبية، هو الكلام يقصد به فرعون لكن جابه بطريقة التعريض، لئلا يصطدم مع الظالمين، يبقى فيه فرق بين إنك تجهر بكلمة الحق في وجه الظالمين، وفي نفس الوقت إنك لا تستعجل الصدام، يبقى الراجل ده عمل الاتنين، جهر بكلمة الحق في وجه الظالمين، ومستعجلش الصدام مع الظالمين.

- ((إِنَّ اللَّهَ لَا يَهْدِي مَنْ هُوَ مُسْرِفٌ كَذَّابٌ)): كان كفاية على الراجل ده إن هو يقول الكلمتين دول، كان كفاية جدا على هذا الرجل إن هو خلاص، جاب كل اللي عايز يقولوه وأنكر المنكر واتكلم، يكتن إيمانه بعد صراع جوا قلبه، جواه داخله، قاعد يصارع نفسه يتكلم ميتكلمش، يتكلم ميتكلمش، وخلاص مقدرش يسكت نطق بما معه من الحق، كان كفاية الكلمتين دول، كان ممكن يقف عند ((إِنَّ اللَّهَ لَا يَهْدِي مَنْ هُوَ مُسْرِفٌ كَذَّابٌ)) وخلاص وقام، لكن ليه الراجل ده استفاض في الدعوة؟ ليه الراجل ده بعد ما أنكر المنكر، ليه بعد كده كمل؟ واتكلم وفضل يتكلم، يعني شوف بعدها صفحة ونص أو صفحتين، صفحتين تقريباً، كان بيتكلم عن ربنا وبيدعو في جولة، كان كفاية أوي الآيتين اللي فاتوا.

فالراجل ده كان جواه مليون، زي ما احنا قلنا ايه في صفات الداعية؛ الامتلاء الدعوي، فالراجل ده كان مليون بالمعاني والمشاعر، كان مليون بالعلم والفهم، عشان كده لما اتكلم استفاض في الكلام، مش نزل يتكلم، بتكلم بنت عن ربنا تقولها كلمتين، بعد كده تتلجلج مش لا قية حاجة تقولها لأ، ده دا عنده كلام كثير، عنده أحاسيس وعنده معاني، زي ما هنقف دلوقتي، عنده حاجات كثير جواه، فالداعية ممتلى، وده قلنا من صفات الداعية الناجح المؤثر الامتلاء الدعوي.

تالت حاجة بعد كده

((يَا قَوْمِ لَكُمْ الْمُلْكُ الْيَوْمَ ظَاهِرِينَ فِي الْأَرْضِ فَمَنْ يَنْصُرُنَا مِنْ بَأْسِ اللَّهِ إِنْ جَاءَنَا))

يبقى نستفيد من ده، إنه كان عنده فهم بردو وعلم بسنن الله، وعارف يعني ايه معاملة ربنا، عارف يعني ايه إله، عارف يعني ايه ربنا، ((لَكُمْ الْمُلْكُ الْيَوْمَ ظَاهِرِينَ فِي الْأَرْضِ فَمَنْ يَنْصُرُنَا مِنْ بَأْسِ اللَّهِ إِنْ جَاءَنَا)) فاهم هو بيتكلم عن مين.

س: الناس اللي بيكلمهم هما كانوا مؤمنين بوجود إله؟

هما كانوا قوم فرعون على اختلاف الأقوال، والأرجح إن هما كانوا بيؤمنوا بتعدد الآلهة، وهو هنا الأول، هو في الأول قالمهم ((أَتَقْتُلُونَ رَجُلًا أَنْ يَقُولَ رَبِّيَ اللَّهُ)) في الأول اتكلم عن الربوبية، بعد كده اتكلم عن الألوهية، لأن فرعون انتقل مع قومه من، الأول قالمهم ((أَنَا رَبُّكُمْ الْأَعْلَى))، وفي مرة تانية قالمهم ((مَا عَلِمْتُ لَكُمْ مِنْ إِلَهٍ غَيْرِي)) فهما الناس دي كانوا عارفين يعني ايه رب، ويعني ايه إله، عارفين يعني ايه رب، ويعني ايه إله، ((مَا عَلِمْتُ لَكُمْ مِنْ إِلَهٍ غَيْرِي))، واللي قبلها قال ((أَنَا رَبُّكُمْ الْأَعْلَى))، فهنا بردو الراجل ده انتقل معاهم للاتنين، بدأ بالربوبية ((يَقُولُ رَبِّيَ اللَّهُ))، وبعد كده انتقل للألوهية ((فَمَنْ يَنْصُرُنَا مِنْ بَأْسِ اللَّهِ إِنْ جَاءَنَا))، بعدين هما أصلاً كانوا، ذكرهم ((وَلَقَدْ جَاءَكُمْ يُوسُفُ مِنْ قَبْلُ بِالْبَيِّنَاتِ)) دول كانوا عارفين إن فيه إله أصلاً، يقرون بألوهية الله، لكن فرعون ايه، ربنا بيقول عنه ((فَاسْتَخَفَّ قَوْمَهُ فَأَطَاعُوهُ)).

هما الفراعنة كانوا بيقبلوا، هما أصلاً الفراعنة كانوا قصتهم مع ملوكهم، إن بيعتقدوا إن الملك ده على خلاف على عقيدتهم، أو ابن الإله، أو روح الإله، عقيدتهم مختلطة كده، حتى العلماء اختلفوا فيهم، لكن كانوا بيعتقدوا إن الملك بتاعهم أو إن فرعون بتاعهم ده ابن الإله، الشاهد بس إن هما كان عندهم علم بالإله، عندهم علم بالله، لأنه فكرهم دلوقتي بيوسف ((وَلَقَدْ جَاءَكُمْ يُوسُفُ مِنْ قَبْلُ)) انتو مش فاكرين يوسف اللي جالك من قبل وحكمكم، مش فاكرين كان بيدعو إلى ايه، هنا فكرهم ورجعهم لتاريخهم مع يوسف —عليه السلام—، فمش عايزين بس نفصل كثير، لأن الكلام كثير، واحنا قلنا إن هو مش درس تفسير، معلىش.

((يَا قَوْمَ لَكُمْ الْمُلْكُ الْيَوْمَ)) احنا بس هناخد من الآيات، اللي يفيدنا في مادتنا بإذن الله.

((يَا قَوْمَ لَكُمْ الْمُلْكُ الْيَوْمَ ظَاهِرِينَ فِي الْأَرْضِ فَمَنْ يَنْصُرُنَا مِنْ بَأْسِ اللَّهِ إِنْ جَاءَنَا))

- احنا قلنا يبقى ده عنده فهم وعلم بسنن ومعاملة الله، عارف يعني ايه إله، وعارف يعني ايه رب.
- وهنا بردو حصل التفات، هنا حصل التفات بالضمائر، هنا بيكلمهم (((يَا قَوْمَ لَكُمْ))) لكم بيكلمهم ضمير مخاطب، ((لَكُمْ الْمُلْكُ الْيَوْمَ ظَاهِرِينَ فِي الْأَرْضِ)) بعد كده في ((فَمَنْ يَنْصُرُنَا)) المتوقع فمن ينصركم؟، قالمهم لكم

الملك، كان الجواب فمن ينصركم، فهنا حصل التفات في الضمائر، وهو بيتكم عن الملك قاهم لكم، وهو بيتكم عن بأس الله قال ((فَمَنْ يَنْصُرُنَا مِنْ بَأْسِ اللَّهِ)) .

- فهو بيتكم عن الملك والظهور في الأرض، الحاجة التي بتسر القوم، الحاجة التي هما حابينها قاهم ايه ((لكم)) مدخلش نفسه معاهم، مدخلش نفسه معاهم، إنما لما جه يتكلم عن ((فَمَنْ يَنْصُرُنَا مِنْ بَأْسِ اللَّهِ)) دخل نفسه معاهم، دخل نفسه معاهم، وكأنوا بيقولهم أنا زبي زيكم، أنا مش أحسن منكم، أنا خايف بردو من بأس الله، أنا خايف من عذاب ربنا لو نزل، أنا زبي زيكم، وده بردو قلنا ده تطيبنا لقلوبهم، وإيداناً بأنه ناصح لهم، عشان يقبلوا الكلام بتاعه، حصل التفات قلنا كان متوقع ((لَكُمْ الْمُلْكُ الْيَوْمَ ظَاهِرِينَ فِي الْأَرْضِ))، كان متوقع (فمن ينصركم) حصل التفات عشان يتلطف معاهم في الدعوة، ويؤذنه بأنه مثله مثلهم معرض لعذاب الله، وإنه مش أحسن منهم ولا يستعلي عليهم.

((قَالَ فِرْعَوْنُ مَا أُرِيكُمْ إِلَّا مَا أَرَىٰ وَمَا أَهْدِيكُمْ إِلَّا سَبِيلَ الرَّشَادِ))

بعد الكلمتين بتوع الراجل المؤمن ده، بعد ما اتكلم الكلمتين وأنكر المنكر، فرعون عمل ايه؟ فرعون بسرعة جمع الناس كالعادة، جمع الناس وعمل مؤتمر وخطب في الناس، ((مَا أُرِيكُمْ إِلَّا مَا أَرَىٰ)) وبدأ يهدد وبدأ يتوعد ((مَا أُرِيكُمْ إِلَّا مَا أَرَىٰ وَمَا أَهْدِيكُمْ إِلَّا سَبِيلَ الرَّشَادِ))، من قبلها بكام آية كان بيقول ايه؟ ((ذُرُونِي أَقْتُلْ مُوسَى)) من قبلها بكام آية كان عنده ديمقراطية، وبيجمع آراء وبيأخذ تفويض إنه عايز يقتل موسى، بعدها ((مَا أُرِيكُمْ إِلَّا مَا أَرَىٰ وَمَا أَهْدِيكُمْ إِلَّا سَبِيلَ الرَّشَادِ)) بدأ يتجه إلى التهديد وإلى الوعيد، وبالرغم من ذلك هذا الرجل، دي وقفنا بقي معاها (مع الآية) لم يخف ولم يهب الموقف، مخافش من فرعون ولم يهب من الباطل.

بالعكس ده دعوته بقت أقوى مما قبل هذه الكلمة، زي ما هنعرف دلوقتي اشتد في دعوته أكثر مما كان قبل ذلك، وثبت قلبه وازداد في التهديد والتخويف، كان قبلها بيقولهم ((فَمَنْ يَنْصُرُنَا مِنْ بَأْسِ اللَّهِ)) إنما دلوقتي انتقل نقلة، بقي يقولهم دلوقتي إني أخاف، مش إني أخاف علينا، إني أخاف عليكم، فهنا هذا الرجل زاد في دعوته ولم يخف من فرعون، ولم يخشى هذا الفرعون.

وزي ما قلنا بردو مع مؤمن آل ياسين نفس الكلمة يا قوم، لما جه قاهم ((قَالَ يَا قَوْمِ اتَّبِعُوا الْمُرْسَلِينَ)) نفس الكلمة بردو يا قوم، ((يا قوم)) فاكربن احنا قلنا معناها ايه؟ (يا قوم) قلنا المرة اللي فاتت فيها ايه؟ قلنا فيه إن هو بيقولهم أنا منكم وإنتو مني، تقريب وتأليف القلوب واستمالة القلوب عشان يقبلوا ويسمعوا منهم، كأنه بيقولهم أنا منكم وإنتو مني يا قوم.

هنا بقي هذا الرجل قال كلمتين ((يَا قَوْمِ إِنِّي أَخَافُ عَلَيْكُمْ))

أخاف عليكم ده شعور الرأفة والخوف والشفقة على المدعو، لو فعلا المدعو حس منك الإحساسين دول، اللي انت بتكلمه أو إنتي بتكلميه أو اللي إنتي بتدعيها، لو حسست منك الإحساسين دول؛ الإحساس الأول إنك فعلا بتحبيها (يَا قَوْمَ) ، والإحساس الثاني إنك فعلا خايفة عليها بصدق، ((إِنِّي أَخَافُ عَلَيْكُمْ)) لو اللي قدامك حس منك الإحساسين دول هيقبل كلامك بإذن الله، هيقبل كلامك وهيسمعلك بإذن الله، الإحساسين دول لو حسهم منك بصدق، الحب مع الخوف، فعلاً هيقبل كلامك بإذن الله.

بعد كده انتقل لنقلة تانية هنا خلاص، الأول بالعقل، بھدين انتقل معاهم بالزيادة في التخويف وفي...، وبعد كده بدأ لنقلة تالته في دعوته، بدأ يتجه إلى التاريخ، فتح كتاب التاريخ.

((إِنِّي أَخَافُ عَلَيْكُمْ مِثْلَ يَوْمِ الْأَحْزَابِ * مِثْلَ دَاوُدَ قَوْمِ نُوحٍ وَعَادٍ وَثَمُودَ وَالَّذِينَ مِنْ بَعْدِهِمْ))

فده يدل على إن هذا الرجل كان بردو عنده علم بالتاريخ، الرجل قاري تاريخ كويس وفاهم تاريخ كويس، الرجل ممتلى دعويًا، عنده معلومات كتير وعنده معلومات في معاملة الله، وعنده معلومات في يوم القيامة زي ما هنعرف دلوقتي، فالرجل ممتلى دعويًا، مش كلمتين بيقولهم وخلاص، لأ ده عنده كلام كتير عن ربنا عشان كده ايه، ((يَكُنْهُمْ إِيْمَانَهُ)) جواه حاجات كتير مقدرش بيكتمها، وبالتالي تكلم عن ربه.

((مِثْلَ دَاوُدَ قَوْمِ نُوحٍ وَعَادٍ وَثَمُودَ وَالَّذِينَ مِنْ بَعْدِهِمْ)) قلنا خلاص ((وَمَا اللَّهُ يُرِيدُ ظُلْمًا لِلْعِبَادِ))،

آخر الآية ((وَمَا اللَّهُ يُرِيدُ ظُلْمًا لِلْعِبَادِ))

دي عشان محدش يسيء الظن بالله، عشان محدش يقول إن ربنا يحب، إن ربنا بيظلم أحد، أو إن ربنا بيحب الانتقام والإهلاك، لأ، كأنه بيقولهم كده ((مَا يَفْعَلُ اللَّهُ بِعَدَابِكُمْ إِنْ شَكَرْتُمْ وَآمَنْتُمْ)) هو عايز يقولهم كده، لو شكرتم وآمنتم الله لن يعذبكم، ((وَمَا اللَّهُ يُرِيدُ ظُلْمًا لِلْعِبَادِ)).

((وَيَا قَوْمِ إِنِّي أَخَافُ عَلَيْكُمْ يَوْمَ التَّنَادِ)) نقل نقلة تالته بقي، بعد ما اتكلم في التاريخ، نقل نقلة تالته، وبردو ((وَيَا قَوْمِ إِنِّي أَخَافُ)) الاتنين حب مع شفقة .

((إِنِّي أَخَافُ عَلَيْكُمْ يَوْمَ التَّنَادِ))

وهنا الرجل ده لما اتكلم عن يوم القيامة، مقالمش (إني أخاف عليكم يوم القيامة)، لأ ده جاب اسم من أسماء يوم القيامة لم يُذكر في القرآن إلا في هذا الموضع، يبقى إذن الرجل ده كان عنده معلومات وتفصيل دقيقة جدا عن يوم القيامة، فلما تيجي تكلمي بنت وتذكريها بيوم القيامة مش مجرد كلمتين وخلاص، لأ ده انتي عندك معلومات دقيقة جدًا بتتكلمي فيها عن مشاهد من مشاهد يوم القيامة، ده جاب اسم من أسماء يوم القيامة، لم يُذكر في القرآن إلا في هذا الموضع، اللي هو يوم التناد.

ويوم القيامة سُمي يوم التناد:-

- أي يوم النداءات، من ضمن المعاني فيه أو هو أقرب المعاني، التناد أي النداءات، يوم ال (يا) ، يعني ممكن تختصر كده يوم ال (يا) ، لكثرة ما يقال فيه (يا) ، فيوم القيامة سُمي يوم التناد لأنه ينادي فيه بعضهم بعضًا للاستغاثة، أو يتصايحون، أهل النار يستغيثوا ببعض ويصيحوا بالويل وبالشبور، ((يَا لَيْتَنِي كُنْتُ ثَرَابًا))، ((يَا لَيْتَنِي لَمْ أُوْتِ كِتَابِيَةً))، ((يَا حَسْرَةً عَلَيَّ الْعِبَادِ)) يبقى ده نداء من نداءات يوم القيامة، نداءات تانية كتير في يوم القيامة زي نداء أهل الجنة على أهل النار، ونداءات أهل الأعراف على أهل الجنة وأهل النار، نداءات أهل النار على أهل الجنة، ونداء أهل النار على مالك، ونداء أهل النار على خزنة جهنم، ونداء أهل النار على ربنا، بالتالي هذا اليوم يكتر فيه الياء (يا) ، يكتر فيه النداء.
 - ومن ضمن بردو المعاني في التناد، على القراءة، في قراءة من القراءات (التناد) بتشديد الدال، (التناد) بتشديد الدال، قالك من نَدَّ البعير إذا هرب، فيوم القيامة هو يوم الهروب والفرار، كله بيجري، ((يَوْمَ يَفِرُّ الْمَرْءُ مِنْ أَخِيهِ)) كله بيهرب، فده على قول، على قراءة التناد بالبدال، بالبدال المشددة.
 - وقالك بردو من ضمن المعاني في (التناد) قيل المراد به يوم الاجتماع، طيب جابوها منين يوم الاجتماع، قالك من ندا القوم إذا اجتمعوا، ومنه نادي القوم، النادي، النادي المكان الذي يجتمع فيه القوم.
- الشاهد بس الخلاصة؛ إن هذا الرجل كان عنده معلومات دقيقة جدا عن يوم القيامة، كان عنده معاني ومعلومات عظيمة جدا عن يوم القيامة، بأمانة إنه استخدم التناد، ولم يقل إني أخاف عليكم يوم القيامة.

يبقى هنا الرجل ده استخدم حاجتين وهو بيخوف قومه؛

- أول حاجة خوفهم بالعذاب الدنيوي، اللي هو ايه ((إِنِّي أَخَافُ عَلَيْكُمْ مِثْلَ يَوْمِ الْأَحْزَابِ))، وده اسمه الأثر الدنيوي للمعصية، بيقولهم لو فضلتمو بعيد عن ربنا، لو فضلتمو في المعصية، ده الأثر الدنيوي للمعصية، شوفوا ربنا هيعمل فيكم ايه في الدنيا قبل الآخرة، كلمهم عن الأثر الدنيوي للمعصية.
- بعد كده كلمهم عن، خوفهم بالعذاب الأخروي ((إِنِّي أَخَافُ عَلَيْكُمْ يَوْمَ التَّنَادِ))، وده اسمه الأثر الأخروي للمعصية، الرجل ده كان عنده فهم لمداخل القلوب، من مداخل القلوب، كلمهم عن الأثر الدنيوي للمعصية، وكلمهم عن الأثر الأخروي للمعصية.

وبعد كده ((وَمَنْ يُضِلِلِ اللَّهُ فَمَا لَهُ مِنْ هَادٍ))

بعض المفسرين قالك، وكأنه يئس من قبولهم النصيحة، وكأنه خلاص مش لاقى حد يستجيب له، فكأنه يئس من إن هما يقبلوا النصيحة، فقال الكلمة دي ((وَمَنْ يُضِلِلِ اللَّهُ فَمَا لَهُ مِنْ هَادٍ))، وأحس أن قلوبهم مغلقة، ولكن بالرغم من ذلك، بالرغم من إن بدأ يئس من قبول النصيحة، وبالرغم إنه حس إن قلوبهم مقفولة، بالرغم من ذلك كمل في دعوته، بالرغم من ذلك صفحة كاملة بعدها، مكمل في الدعوة متكلم عن ربنا.

وده يذكرنا بقول الله ((إِنَّ الَّذِينَ كَفَرُوا سَوَاءٌ عَلَيْهِمْ أُنذَرْتَهُمْ أَمْ لَمْ تُنذِرْهُمْ لَا يُؤْمِنُونَ)) ربنا قال سواء ايه؟ سواء عليهم مش سواء عليك، سواء عليهم مش سواء عليك، طب ايه الفرق بين سواء عليهم وسواء عليك؟ سواء عليهم يعني هما كده كده مش هيؤمنوا، ولكن مش سواء عليك، مش سواء عليك، الدعوة هتفرق معاك إنت، وإن لم تفرق مع المدعو إلا إن الدعوة هتفرق معاك إنت.

الدعوة هتريبك، الدعوة، زي ما قلت في معاني قلبية مش هتدخل قلبك غير بالدعوة، الدعوة هتعلبك، هتأخذ الأجر من الدعوة، عشان كده الراجل ده ايه، كمل بالرغم من إنه حس بعدم الاستجابة منهم، إلا إنه كمل، لأنه يرجو الأجر من ربه.

((وَلَقَدْ جَاءَكُمْ يُوسُفُ مِنْ قَبْلُ بِالْبَيِّنَاتِ))

وقلنا ده علقنا عليه، مش دارس تاريخ عاد وثمود وبس، لأ ده دارس تاريخ الأسر الفرعونية، يعني الراجل تحس مدرس تاريخ بيتكلم ((وَلَقَدْ جَاءَكُمْ يُوسُفُ مِنْ قَبْلُ بِالْبَيِّنَاتِ فَمَا زِلْتُمْ فِي شَكٍّ مِمَّا جَاءَكُمْ بِهِ ۖ حَتَّىٰ إِذَا هَلَكَ قُلْتُمْ لَن يَبْعَثَ اللَّهُ مِنْ بَعْدِهِ رَسُولًا ۚ كَذَلِكَ يُضِلُّ اللَّهُ مَنْ هُوَ مُسْرِفٌ مُّرْتَابٌ)) وبعد كده ((الَّذِينَ يُجَادِلُونَ فِي آيَاتِ اللَّهِ بِغَيْرِ سُلْطَانٍ أَتَاهُمْ ۚ كَبِيرَ مَقْتًا عِنْدَ اللَّهِ وَعِنْدَ الَّذِينَ آمَنُوا ۚ كَذَلِكَ يَطْبَعُ اللَّهُ عَلَىٰ كُلِّ قَلْبٍ مُتَكَبِّرٍ جَبَّارٍ)).

يبقى عندنا ثلاث ألفاظ ذكروا في الصفحتين دول؛ أول حاجة ((مُسْرِفٌ كَذَّابٌ))، ثلاث حاجات الراجل المؤمن ده قاهم، ((مُسْرِفٌ كَذَّابٌ))، ((إِنَّ اللَّهَ لَا يَهْدِي مَنْ هُوَ مُسْرِفٌ كَذَّابٌ))، مسرف كذاب، ومسرف مرتاب، ومتكبر جبار، ثلاث نوعيات متركزش معاهم في الدعوة، ثلاث نوعيات متكملش معاهم، تقيم عليهم الحجة وتبلغهم ولكن تكمل مع مين، تكمل مع مين، زي ما قلنا قبل كده، من جاءك يسعى وهو يخشى، ده اللي تكمل معاه، ده اللي تديله طاقتك، ده اللي تفرغله جهدك وطاقتك، واللي قلناه المرة اللي فاتت ((مَنِ اتَّبَعَ الذِّكْرَ وَخَشِيَ الرَّحْمَنَ)) يبقى ثلاث نوعيات (مسرف كذاب، مسرف مرتاب، متكبر جبار)، ده متربطش نفسك معاهم في الدعوة، إنما تكمل الطريق مع من جاءك يسعى وهو يخشى، تكمل الطريق مع ((مَنِ اتَّبَعَ الذِّكْرَ وَخَشِيَ الرَّحْمَنَ)).

نعم علينا بلاغهم، أنا قلت من لا ترهق نفسك معهم، بلغهم ولكن لا تُشقي نفسك معهم، ربنا عاتب الرسول - صلى الله عليه وسلم- ((وَأَمَّا مَنْ جَاءَكَ يَسْعَى * وَهُوَ يَخْشَى * فَأَنْتَ عَنْهُ تَلَهَّى))، وقال ((أَمَّا مَنْ اسْتَعْفَى * فَأَنْتَ لَهُ تَصَدَّى)) ، تقيم عليهم الحجة وتبلغ، زي ما قلنا وما علينا إلا البلاغ المبين، وما علينا إلا البلاغ المبين.

((يَا قَوْمِ اتَّبِعُونِ أَهْدِكُمْ سَبِيلَ الرَّشَادِ))، ((وَقَالَ الَّذِي آمَنَ يَا قَوْمِ اتَّبِعُونِ أَهْدِكُمْ سَبِيلَ الرَّشَادِ))

(اتَّبِعُونِ أَهْدِكُمْ) ، حد يعرف يطلعلي منها فايده؟ الاتباع سبيل ...

احنا قلنا... قلناه التزم اللي فات، ولكن طبعاً يكون صعب.... (اتَّبِعُونِ أَهْدِكُمْ) دي نخرج منها، يعني قربتي،

- لو تفتكروا احنا خدنا من صفات الداعية المؤثر، حاجة اسمها تحمل تبعة الاستجابة، فالراجل ده عنده خط سير وعنده رؤية، مش مجرد بيرمي كلمتين وخلاص لأ، ده بيكمل معاهم، بيكمل معاهم للنهاية، ((اتَّبِعُونِ أَهْدِكُمْ)) هفضل ماشي معاكم لحد النهاية، مش نزلتي تكلمي بنت استجابت ليكي تسيبها وخلاص، لأ ده إنتي عندك خط سير إنك تكلمي معاهم، هو ده تحمل تبعة الاستجابة.

طبعاً احنا قلنا إن الداعية لازم يكمل مع المدعو اللي استجاب، زي ما كنا بنتكلم عن موسى مع فرعون لما قاله ((هَلْ لَكَ إِلَهٌ إِلَّا أَن تَزْكَى * وَأَهْدِيكَ إِلَى رَبِّكَ فَتَخْشَى)) هفضل مكمل معاك، مش مجرد إنك، يعني مش حاطط عيني إنك تلتزم وخلاص، لأ ده أنا عايز اكمل معاك الطريق مش هسيبك يعني، مربي مع اللي بيربيه، صح كده جزاكم الله خيراً.

((يَا قَوْمِ اتَّبِعُونِ أَهْدِكُمْ سَبِيلَ الرَّشَادِ))

- نفس الكلمة اللي قالها فرعون الصفحة اللي فاتت، نفس الكلمة بالظبط هي المؤمن بيرد بيها، سبيل الرشاد ((اتَّبِعُونِ أَهْدِكُمْ سَبِيلَ الرَّشَادِ))، فرعون كان يقول ((وَمَا أَهْدِيكُمْ إِلَّا سَبِيلَ الرَّشَادِ))، يبقى الراجل اخذ نفس الكلمة، ((اتَّبِعُونِ أَهْدِكُمْ سَبِيلَ الرَّشَادِ))، يبقى لازم الدعاة يردوا على كل كلمة لأهل الباطل، يردوا على كلمات أهل الباطل.

((يَا قَوْمِ إِنَّمَا هَٰذِهِ الدُّنْيَا مَتَاعٌ))

الراجل ده عنده فهم لحقيقة الحياة الدنيا، فاهم يعني إيه كويس الدنيا، رغم إن قومه كانوا مغرورين بالدنيا وبالخضارة، وبالأهرامات السبعة وبالجوهرات، والذهب والتوابيت، رغم إن قومه كانوا في قمة الانبهار بالخضارة وبالدنيا، إلا أن هذا الرجل كان شايف كويس يعني إيه دنيا، كان شايق كويس إن الدنيا لا تساوي عند الله جناح بعوضة، وعارف إن

الدنيا متاع، متاع دي زي ايه، زي الأمتعة، المسافر بياخد معاه ايه أمتعة، المتاع هو متاع السفر، يعني بالضبط هياخد الحاجات الأساسية معاه، حقيقة السفر بتاعته، هو ده بيقولهم متاع، الدنيا متاع، فالراجل ده كان فاهم يعني ايه كويس كان فاهم دنيا كويس.

مش بس فاهم دنيا كويس، لأ ده فاهم آخرة كويس كمان،

((وَإِنَّ الْآخِرَةَ هِيَ دَارُ الْقَرَارِ))

يبقى فاهم دنيا وكويس، وفاهم الآخرة كويس، وقلبه متعلق بالآخرة وعرف حقيقة الآخرة.

((مَنْ عَمِلَ سَيِّئَةً فَلَا يُجْزَى إِلَّا مِثْلَهَا ۖ وَمَنْ عَمِلَ صَالِحًا مِّنْ ذَكَرٍ أَوْ أَنثَىٰ وَهُوَ مُؤْمِنٌ فَأُولَٰئِكَ يَدْخُلُونَ الْجَنَّةَ يُرْزَقُونَ

فِيهَا بِغَيْرِ حِسَابٍ))

هنا اتكلم عن حاجة تالته، اللي هي الأثر الأخروي للطاعة، قلنا اتكلم عن ثلاث حاجات كده:

- الأثر الدنيوي للمعصية.

- الأثر الأخروي للمعصية.

- هنا اتكلم عن الأثر الأخروي للطاعة، ((وَمَنْ عَمِلَ صَالِحًا مِّنْ ذَكَرٍ أَوْ أَنثَىٰ وَهُوَ مُؤْمِنٌ فَأُولَٰئِكَ يَدْخُلُونَ الْجَنَّةَ

يُرْزَقُونَ فِيهَا بِغَيْرِ حِسَابٍ))، اللفتة الثالثة معانا، اللفتة اللي بعد كده

((مَنْ ذَكَرَ أَوْ أَنثَىٰ))

انتشار الدعوة، انتشار الدعوة مش مقتصر على الرجال فقط، لأ ده هنا الاهتمام بالدعوة النسائية، وتوجيه الخطاب للمرأة، يبقى الراجل ده كان منتشر في دعوته، ((مَنْ ذَكَرَ أَوْ أَنثَىٰ)) خص هنا الأنثى بالذكر، الاهتمام بالدعوة النسائية، وتوجيه الخطاب للمرأة.

((وَيَا قَوْمِ مَا لِي أَدْعُوكُمْ إِلَى النَّجَاةِ))

• هنا بدأ يتكلم بقى عن المدخل الرابع للقلب ، وهو الأثر الدنيوي للطاعة، يبقى اتكلم كده عن مداخل القلب

الأربعة (الأثر الدنيوي للمعصية، الأثر الأخروي للمعصية، الأثر الأخروي للطاعة، وأخيرا هنا اتكلم عن الأثر

الدنيوي للطاعة)).

((وَيَا قَوْمِ مَا لِي أَدْعُوكُمْ إِلَى النَّجَاةِ))

- الدعوة وقبول الحق والالتزام ولزوم الطاعة، هو طريق النجاة في الدنيا، القرب من الله هو اللي هينجيك، القرب من الله هو اللي هينجيك في الدنيا قبل الآخرة.
- واختار النجاة، النجاة بتيجي مع مين، النجاة بتيجي مع الغريق، الغريق هو اللي هيتحتاج لطوق نجاة، فأنت لازم تشوف كده اللي قدامك، المدعو اللي قدامك، لازم تشوف العصي كأنه غريب وانت بترميله طوق نجاة، لو مرحتش أنقذته هيغرق، لو مرحتش ومديتله ايدك وأنقذته هيغرق، فلانم نتعامل بهذه المشاعر مع المدعو.

((وَأَنَا أَدْعُوكُمْ إِلَى الْعَزِيزِ الْغَفَّارِ))

- يبقى قلنا اتكلم عن توحيد ربوبية، واتكلم عن توحيد الألوهية، وهنا اتكلم كمان جه ذكر أسماء وصفات، يبقى الراجل ده كان عنده علم كبير جدا و عنده معلومات كتير جدا، ((وَأَنَا أَدْعُوكُمْ إِلَى الْعَزِيزِ الْغَفَّارِ)) يبقى عنده علم بالأسماء والصفات (العزيز الغفار).
- والعزيز اللي هو يعطي العزة للي هيقرّب منه، العزيز اللي هيعطي العزة لمن يقترب منه ولمن يطيعه ((وَلِلَّهِ الْعِزَّةُ وَلِرَسُولِهِ وَلِلْمُؤْمِنِينَ)).
- الغفار اللي هيغفر لك ذنوبك، وهيقيك تبعات وعواقب سيئاتك، يبقى هنا ذكر هذين الاسمين بالخصوص، العزيز الذي سيعطيك العزة، الذي سيعطي العزة لمن يقترب منه ويطيعه، الغفار الذي سيغفر لك ذنوبك ويقيك تبعات وعواقب سيئاتك.

دي كانت آخر وقفة معنا في هذه الجولة، ما استفضش بتفصيل في كل القصة، ولكن واجب عملي عليكم، إن احنا نحاول نذاكر الآيات تاني، ونطلع احنا منها بقى، أنا حاولت إن أنا أطلع اللي ربنا فتح علينا بيه قلته، وانتو إن شاء الله اجتهدوا كده بإذن الله ، وحاولوا تصلوا بالآيات دي، ونحاول نفتح تفسير واتنين، ونطلع الحاجات اللي تخدم مادتنا، إن شاء الله ده الواجب العملي المرة الجاية إن شاء الله، عايز كده ممكن بإذن الله نطلع من الآيات الحاجة اللي تخدم المادة بتاعتنا.

جزاكن الله خيرا.

إن شاء الله الواجب العملي قلنا هنذاكر الآيات تاني، ونحاول نطلع منها فوايد دعوية تانية، مش عايز فوايد تفسيرية، أنا عايز فوايد دعوية تفيدنا في دعوتنا، الواجب التاني بقى نطبق اللي احنا بنقوله بإذن الله، نحاول نطبق في اللي احنا بنقوله، نحوله من نظري إلى عملي، حتى لا نكون ممن يستكثر من العلم، أقول قولي هذا واستغفر الله لي ولكم، وجزاكن الله خيرا.

مادة الدعوة النظري

الفرقة الثانية ترم 2

اللقاء 3

بسم الله والحمد لله والصلاة والسلام على رسول الله

الحمد لله وحده والصلاة والسلام على من لا نبي بعده.. فى الأول بعذر عن تغيي فى اللقائين السابقين لكن والله لظروف خارجة عن إرادتى ..

إحنا كنا بفضل الله أخذنا المره إلى فانت جولة مؤمن آل فرعون وكنا قلنا ياريت أن نجتهد ونطلع بعض الفوائد لإن الجوله كانت طويله فمعرفةناش نستوفى فيها فهل حد عرف يذاكر فيها أو يطلع أى فوائد دعويه منها من الآيات الى إحنا قلنا المره إلى فانت ولا البقاء لله .. لا أظنكم مجتهدين ما شاء الله طيب لو فى حد اللتقط فوائد دعويه ياريت ما يخلص علينا طيب..

إن شاء الله معنا انهارده جولة موسى عليه السلام أول جوله دعوة سيدنا موسى أول جوله فى تاريخ نبوته عليه السلام جوله ال ربنا قصها علينا فى سورة الشعراء ودى أول جوله لما سيدنا موسى تلقى الرساله من الله عزوجل وأمر أن يذهب إلى فرعون .. خلاص دى معنا جوله فى القصر الجمهورى والمره ال فانت برودو كانت جولة مؤمن آل فرعون دى برودو جوله من داخل القصور الرئاسيه فالمره دى برودو معنا جوله لكن عاليه قوى جولة نبي والنهارده تبقى أول جوله للأنبياء معنا النهارده بإذن الله .. إحنا تكلمنا المرات الى فانت عن جولات الصالحين (جولة مؤمن آل فرعون وجولة حبيب النجار) النهارده بقى جولة نبي ومش أى نبي من أولى العزم من الرسل ياريت نفتح المصاحف سورة الشعراء من أول آيه 16

" فأتيا فرعون فقولا إنا رسول رب العالمين أن أرسل معنا بني إسرائيل قال ألم نربك فينا وليداً ولبثت فينا من عمرك سنين وفعلت فعلتك التى فعلت وأنت من الكافرين "

ياريت نفتح المصاحف عشان أحنا بننتقل سريعاً بين الآيات ما بنفسررش الآيات

"قال الم نربك فينا وليدا ... " بيقا هنا سيدنا موسى عليه السلام تلقى الأمر من الله عزجل بأن يذهب إلى فرعون "فأتيا فرعون " خلاص الفاء على الفور "فقولا" برودو فاء على الفور "إنا رسول رب العالمين" سيدنا موسى تلقى الأمر وما كان منه إلا فورىة الإستجابة ونخرج منه إن لازم بيقا عندك فورىة الإستجابة فى الجولات ماتقعديش زى ما قلنا قبل كذا تقدمى رجل وتأخرى رجل أكلمها ما أكلمهاش لا إحنا عايزين فورىة الإستجابة الأمر علطول _ فى منكر قدامك _ من رأى منكم منكراً "ف" فليغيره ، فورىة الإستجابة نفسية الداعيه لابد وهو بيواجه هذا الباطل وهذه المنكرات لازم بيقا عندك نفسيه قويه مش نفسيه متردده بيقا هنا بنتعلم من سيدنا موسى فورىة الإستجابة تلقى الأمر وعلى الفور نزل ونفز فبعض الأخبار _ إن

سيدنا موسى أنطلق هو سنتة كامله _واقفين على الباب مستتين إن هما_ الصبر وتحمل البلاغ الصبر على الدعوه فيا ترى اصبر أسبوع ولا أسبوعين عشان تكلمى يعني مثلاً شفتى حد من صحباتك أو أهلك وحابه أنك تكلميه عن الحجاب ممكن تصبرى شهر أو شهرين لحد ما تسمح الفرصه تدخل تكلميه فدا نتعلم منها إن إحنا الصبر على وفى خبر تانى أنهم تخيلو داخلين على فرعون بليل _فقرع عليه الباب فنخرج من دى عدم تهيب المواجهه_ نازله تكلمى بنت ما أنتش خايفه وبنفسيه قويه _يبقا المواجهه_ بيقا نخل بقا_

"الم نربك فينا وليدا ولبتت فينا من عمرك سنين" أنت اتربيت على إيدينا _

"وفعلت فعلتك التى فعلت" ف هنا فرعون جابها بصيغه الإبهام فعلت فعلتك يعني مش قادر أنطق الكلمة دى كلمة القتل مش قادر أنطقها على لسانى كان ممكن فرعون يستبدل كل الكلام دا ويقله قتلت منا نفساً . ف هنا جاء بصيغه الإبهام بإسم موصول التى "التى فعلت" ففرعون بيقول لموسى عليه السلام جريمتك أنا مش قادر أنطقها من بشاعتها متخيلين !! فرعون الـ كان كل ما يتزنى يقول دروني أقتل , أقتلو أبناء الذين ، فرعوون الذى كان أسهل حاجه أنه يقتل والتسبيح و"سنقتل أبناءهم ونستحي نساءهم" وهنا بيقوله الجريمه بتاعتك مش قادر أجبها على لسانى

وفى قراءة "وفعلت فعلتك" وفى قراءة تانيه "وفعلت شِعْلَتَكَ" شعلتك على وزن فعله إلى هى فعلتك إسم هيئه ففرعون بيقوله طريقة قتلك للقبطى بطريقه الوحشيه دى مش قادر أقلها على لسانى _وفى قراءة تفعلتك_ بالفتح إلى هى إسم _ ف هنا فرعون بيهوّل لموسى ويبجمل نفسه قدام موسى عشان يضعف موسى عليه السلام وعشان موسى يقول فعلاً أنا أزاى قتلت وبطريقه وحشيه أزاى ف هنا يريد أن يكسر موسى عليه السلام ولكن تُفاجأ موسى عليه السلام _كان قوى فى مواجهته_ فهنا القصد من هذا الخطاب من فرعون إفحام سيدنا موسى عشان يتلعثم من خشية فرعون

فرعون بيتزرع لقتل موسى الحجج ويبجيب دوافع تكون زريعه له أن يقتل موسى عشان صورته قدام الناس كويسه فهنا بينزل بشبهات فييقوله أول حاجه أنت كفرت نعمه الولاية بالتربيه إلى إحنا ربّناك والجنايه على نفس أنت قتلت _يفحم موسى عليه السلام ف هنا فرعون كان ذكى أهل الباطل مش كدا عندهم ردود ومداخل بردو وبرغم كدا سيدنا موسى ماخفش من فرعون ولم يتلعثم لثفته فى قوة الحق الذى معه

يبقى لازم نخرج من دى أن أنت تبقى واثق فى الحق الـ معاك ماتبقاش متزعزع من الكلام إلى أنتى بتقوليه لا إنت عند ثقه ويقين فى الكلام إلى أنتى بتقوليه فيما معك من الهدى زى قول الله سبحانه إنك من المرسلين إن و لامين _طيب هو النبي كان شكك إن هو من المرسلين ولكن أحياناً الداعيه بيبقى محتاج إلى أنه يبقا واثق مما معه من الحق خاصه فى أوقات الشبهات بيبقى نخرج من دى _فيما معك من_

"وفعلت فعلتك التى فعلت وأنت من الكافرين" _بيقوله ما أنت ممكن المرحله التانيه دخل فى الإستهزاء بيقوله وفعلت فعلتك التى فعلت و أنت من الكافرين" بيقوله ما أنت كنت زيك زينا أنت هتعملهم علينا دلوقت ،لما تيجى تكلمى بنت تقولك ما أنت كنتى بتلبسى زينا. هنا طريقة أنتقل من التخويف إلى الإستهزاء بيستهزاء بسيدنا موسى عليه السلام وبرغم ذلك سيدنا موسى وقف فوش فرعون لم يتزعزع وإنما ظل ثابتاً شامخاً فوجه فرعون دا ، فرعون متخيل مش بيكلم ظابط شرطه وبيكلم وزير لا دا واقف فوش فرعون ولم يتزعزع

"وفعلت فعلتك التى فعلت وأنت من الكافرين" تفاجأ هنا بالرد الصارم بتاع سيدنا موسى "قال فعلتها إذا وأنا من الضالين" هنا سيدنا موسى الرد بتاعه الإعتراف هو هنا فرعون عايز يستدرج موسى زى ما هنعرف دلوقت عشان يخرج من الموضوع الـ موسى رايح يكلمه عنه رايح يكلمه عن ربنا رايح يكلمه عن مهمه فـ هنا فرعون عايز يستدرجه يخرج به برا القصه دى خالص فرمى الشبهات وخوفه وإستهزاء وبتاع..فتفاجأ إن رد موسى كان رد صادم بالنسبه لفرعون "قال فعلتها إذا"أيوه فعلتها " وأنا من الضالين "سيدنا موسى قال عملتها ومش خايف مما ستقوله ، وهنا فرعون أراد من الشبهتين دول أراد حاجتين تضمن كلام فرعون أمرين تصدى لهم موسى عليه السلام ..سيدنا موسى هنا رد فى الأول على آخر حاجه فرعون قالها ، فرعون قال ألم نربك..." فهنا فرعون رما شبهتين

أول حاجه: إحنا إلى ربناك

تانى حاجه : وفعلت فعلتك ..فهنا سيدنا موسى لما جه يرد رد على التانيه الأول رد على فعلت فعلتك ليه لأن الشبهه التانيه هى الأقوى لأنها بتقدح فى نبوة موسى عليه السلام ..فرعون بيقوله مافيش نبي يعمل إلى أنت عملته دا بيقوله هو فى نبي يقتل !! فعشان كذا سيدنا موسى رد على القول التانى لفرعون لأن دا الأهم والأخطر لأنه بيقدر فى نبوة موسى وبعد كذا رد على القول الأول ..ونلاحظ هنا فى جولة سيدنا موسى الـ معنا فى سورة الشعراء إن سيدنا موسى بدأ الأول بفعله وبعد كذا هاجم على عكس جولة سيدنا إبراهيم الـ هتيجى معنا فى سورة الأنعام فيما بعد إن سيدنا إبراهيم دخل على قومه هجوم على طول فى سورة الأنعام دخل هجوم "قال أتحاجوني فى الله وقد.." يعنى كان معاه زمام المبادره والهجوم أمّا هنا سيدنا موسى بدأ الدفاع الأول وبعد كذا بدأ يهاجم زى سيدنا هود لما قومه أتهموه بالسفاهه قالو "إنا لنراك فى سفاهه" هنا سيدنا هود رد الأول على السفاهه وبعد كذا بدأ يتكلم .. وزى سيدنا نوح لما قال "ليس بي ضلاله ولكني رسول من رب العالمين "

فهنا بردو نفس المنهج سيدنا موسى رد عن نفسه وبعدها بدأ يتكلم عن ربنا سبحانه وتعالى

فأحيانا الناس مش هتسمع من الداعيه إلا لما الشبهات إلى عندهم يترد عليها ورد مقنع كمان يزيل الشبهات ويرد عليها ..فصورة سيدنا موسى كانت قدام المصريين إن هو قتل نفس مش أنت إلى قتلت قتيل يا موسى مش أنت الـ سيدنا فرعون أنعم عليك وبعد كذا سبتنا وهربت فكان فى شبهات حوالين سيدنا موسى فكان لازم يشيل الشبهات عشان الناس تسمع منه ..

فكذلك الداعيه لما يبقا فى شبهات حوله لازم يدافع الأول عن نفسه ولازم يزلها وبعد كذا يبدأ يتكلم عن ربنا لأن لو بدأ كلام وفى شبهات حوله الناس مش هتسمع منه يعني تخيل لو سيدنا موسى دخل تكلم عن رب العالمين رب السموات والأرض ماكنش حد هيسمع فى شبهات عالقه فى ذهن الناس لازم تزال الأول .. ولما يزيل الشبهات بسرعه زى ما هنعرف

فأهل الباطل بيثيرو شبهات عشان مايدلكش فرصه أنك تتكلم عن الموضوع الرئيسى بتاعك عشان تفضل تلف فى دوايم زى أيام الثورة دول هيقطعوا الإيدين وهيقيموا الحدود تطلع من شبهه لشبهه وتلاقى نفسك المحصله فى الآخر إنك ما تكلمتش عن ربنا سبحانه وتعالى

إنما سيدنا موسى شوفوا قال إيه بالظبط رد نبي من أولى العزم من الرسل رد فكلمتين رد فسطرين بالظبط ورجع للموضوع الرئيسى بتاعنا ..يبقا إذا نستفيد من الكلمتين دول إزاي تغلب على محاولة أهل الباطل

عرقلة سير الدعوه إلى الله بإثارة الشبهات وطلب رد عليها كل ما ترد على شبهه يقولك غيرها حتى يستنفذ جهدك ويعطلك عن هدفك الرئيسي وهو الدعوه إلى الله

فهنا فرعون حاول تحطيم صورة سيدنا موسى أمام الناس ولما سيدنا موسى نجح في الرد على الشبهات فرعون أنتقل إلى المحاولة الثانية يعني تخيلوا فرعون مش من أول ما راح لموسى قاله وما رب العالمين لا الأول حاول أنه يحطم موسى قدام الناس لما فشل في دى بسبب قوة رد سيدنا موسى زى ما هنعرف دلوقت إن سيدنا موسى رد عليه في خلال سطرين سطرين بس قدر إنه ينجح فإنه يفهم فرعون قفل معاه الباب دا خالص في كلمتين "الصوت غير واضح" وأنا من الضالين وتلك نعمة تمنها علي أن عبدت بني اسرائيل بعد كذا لما سيدنا موسى قفل الباب دا فرعون أنتقل للمرحلة الثانية الـ هي وما رب العالمين يبقى نلخص الـ أستفدناه من دا إن أول حاجه إن أحياناً في شبهات لازم يترد عليها ولكن ما تستنفدش جهدك فيها ترد بسرعه وترجع لغرضك الرئيسي

يعني مثلاً بتحصل معانا كثير في الجولات مع الشباب تنزل تعمل جوله مع الشباب ، شاب من الـ واقفين معانا يحاول إنه يستدرجك ويخرجك بره الموضوع بتاعك ويطلعك من موضوع لموضوع ، بحيث أنت تلاقي نفسك النص ساعه الـ واقفها معاهم قاعد ترد على شبهات من غير ما تتكلم عن ربنا من غير ما تتكلم عن النار عن الجنه فإنت رد بسرعه وأرجع للموضوع الرئيسي بتاعك زى ما سيدنا موسى عمل رد بسرعه وأفحم فرعون ورجع للموضوع الرئيسي بتاعه وأجبر فرعون أنه هو يسأل عن _ وأنا من الضالين _ القول المشهور التي وستأتي _ بيقول ما كنتش عارف انهاقويه كذا لدرجة انها تموت القس دا القول المشهور وفي قول جميل ورد فعلتها وأنا من الضالين _ اقدام من غير مبالاه _ يعني وافق بيقول له _ وأنا مش خايف _ كنتم بتستعبدو بني إسرائيل _ فعملتوهم غيرة وحمية _ ولكن ننقل سريعاً

ففررت منكم لما خفتكم هنا موسى بيقولهم انتو ناس ظلمه _ دا العدل _ ولا تتيقنوا أنتو التهم عندكم بالكيلو متعبيه وجاهز قتل نفس وحمل سلاح التهم جاهزه ومتلفقه وجاهزه وتلقون التهم جزافاً من أجل ذلك كان سيدنا موسى يبيرر ليه سبهم وفر منهم بيقولهم لأن كنت وقفت مكاني مهربتش أنتو معندكوش تثبت ماكنتوش هتحققو في الموضوع كنتو هنتهموني بالباطل وستقتلونني بالباطل "ففررت منكم لما خفتكم فوهب لي ربي حكماً وجعلني من المرسلين" هنا ما قلش فوهب لي ربي حكماً وا رساله ولا قال فوهب لي ربي حكماً وجعلني رسولاً وأنا قال وجعلني من المرسلين إعظماً للرساله يعني بيكلم فرعون بيقوله الرساله دي حاجه عاليه أوى إعظماً لأمر الرساله وتنبيهاً لفرعون على أن رسالته ليست أمراً مبتدعاً بيقولهم أنا مش أول رسول يجي لا دا على مدار التاريخ رسل قبلي جات كتير "قل ما كنت بدعاً من الرسل" فعشان كذا قال إيه دخل نفسه في زمرة المرسلين أعظماً للرساله عشان يقول لفرعون أنا مش بدع من الرسل لا دا في رسل كتير جات قبلي وأنا بكمل سلسلة الرسل

وهنا سيدنا موسى برودو عايز يوصل معلومه جميله جداً هنا سيدنا موسى عايز يقول لفرعون أن الإنسان ابن يومه لا غين أمسه والأحوال بأخرها فلا عجب فيما قصدت فإن الله أعلم بما يجعل رسالته بيقوله كلمني بوضع أنهرده تيجي تكلم حد كلمني عن واقع أنهرده أُمبارح فات بقوله الإنسان ابن يومه لا ابن أمسه والأحوال بأواخرها لا ببداياتها "وتلك نعمة تمنها علي" وتلك نعمة هنا الرد بتاع قلنا سيدنا موسى رد في الأول على وفعلت فعلتك ليه لأن هنا بيقدم في الرساله في نبوة موسى بيقوله هو في نبي بيقول فعشان كذا

سيدنا موسى أراد بعدها قول فرعون الثانى في الأول وبعد كذا رد على الشبهه الثانيه إلى هى الم نربك فينا وليدا فنا بيقول وتلك نعمة تمنها على هنا أشاره إلى خصله شمعاء مبهمه لا يدري ماهى إلا بتفسيرها فهنا سيدنا موسى لما جه يرد على فرعون برودو رد عليه بنفس كلامه لو تفتكرو إن فرعون قاله وفعلت فعلتك التى فعلت بالابهام فهنا برودو سيدنا موسى لما جه يرد وتلك نعمة تمنها علي أن عبدت بني إسرائيل هنا تلك زى التى هنا سيدنا موسى بيرد على فرعون نفس الأسلوب وهو اسلوب الإبهام وكلام موسى هنا نقد لئمتنان فرعون بقلب النعمه نقمه يعني تخيل سيدنا موسى لف إمتنان فرعون وحوله .. لف الإشاره بتاعت فرعون وإحتواهه وقلبها عليه قاله وتلك نعمة تمنها علي أن عبدت بني إسرائيل " فهنا حول النعم إلى أنعمها عليه لنقمه قاله السبب إن أنا جيب عندك إن أنتو كنتو بتقتلو بني إسرائيل فهنا قلب الشبهه إلى أترمت عليه قلبها لمصلحته فهنا بعد ما فرعون أفحم من رد موسى عليه السلام وقلنا إن فرعون في الأول بدأ بالإخافه بدأ يخوف موسى وكلامه تضمن تهديد لموسى هنا خوفه وهدده وتاني حاجه أستهزأ بيه ورغم ذلك سيدنا موسى وقف ثابتاً شامخاً فى وجه فرعون فلما فشل فرعون فى المرحله الأولى أنتقل إلى المرحله الثانيه

وهى "قال فرعون وما رب العالمين" فلما فشل فى مرحلة الشبهات أنتقل للمرحله الثانيه إلى هى سيدنا موسى كان عايزها أصلاً مرحلة الكلام عن الله يعني أنت جيب فى المنطقه بتعتي وهذا ما كان يقصده موسى عليه السلام "قال فرعون وما رب العالمين" فسيدنا موسى أنطلق فى الكلام عن الله قال رب السموات الأرض وما بينهما " تحس إن سيدنا موسى إيه ما سدق شم نفسه وما سدق إن هو يتكلم عن ربنا "قال رب السموات والأرض وما بينهما " إن كنتم موقنين تخيل هو كان مستنى يتكلم عن ربنا من حبه لربنا سبحانه وتعالى مستنى أنه يكلم عن ربنا مستنى إنه يطلع المشاعر إلى جواه عن رنا تخيل كذا وأنتى نازله تكلمي مع حد تكلمي واحده عن ربنا ومسدقتى أنها تقولك كلمينا عن ربنا فأنتى المشاعر إلى جواكى أنفجرت والأحاسيس إلى جواكى أنفجرت فمسدقتى إن الفرصه جاتلك أنك تتكلمي عن ربنا سبحانه وتعالى "قال رب السموات والأرض وما بينهما " وهنا سيدنا موسى وفرعون بيسأله وما رب العالمين بيسأله عن ماهيه رب العالمين فهنا جواب سيدنا موسى عدل من جوابه عن ماهيه الله إلى ذكر صفات الله فهنا حبو الناس إلى الله بالكلام عن صفات الله من أكثر الحاجات إلى بتأثر قلوب الناس إن تكلم عن عظمة ربنا سبحانه وتعالى "رب السموات والأرض وما بينهما" أتكلم عنعظمة ربنا أتكلم عن رحمة ربنا

أتكلم عن صفات ربنا سبحانه وتعالى لأن هذا يأسر قلوب الناس فـ هنا سيدنا موسى تكلم عن صفات ربنا لأن ذلك أقوى فى التأثير

بعد كذا فى الصفحه دى ..الصفحه دى أكثر صفحه ذكر فيها كلمة قال تقريباً 19 مره قال فرعون.. قال يعني مافيش كلمه مش هيترد عليها مافيش كلمه هتقولها يا فرعون غير وهرد عليها ما فيش كلمه أهل الباطل هيقلوها غير لما نرد عليها ..فنستفيد من دى إن مينفعش أهل الباطل بيقو بيتكلموا ومعهم إذاعات ومعاهم قنوات ومعاهم كل هذه الوسائل وأحنا قاعدين بنندب حظنا لا لازم نرد قال

تعلم منها أننا لازم نرد على كل كلمة من أهل الباطل "قال رب السموات والأرض وما بينهما" الكلام هنا عن صفات وعظمة الله لأن ذلك يأسر القلب لأن ذلك من مداخل القلوب الأربعة الكلام عن الله أتكلمي عن

عظمة ورحمة ربنا اتكلمي عن أسم الله التواب أسم الله الودود أتكلمي عن صفات وأسماء الله سبحانه وتعالى

إن كنتم موقنين "قال رب السموات والأرض وما بينهما إن كنتم موقنين" هو هنا سيدنا موسى بيكلم مين ؟ بيكلم فرعون فكان المتوقع إن يقوله إن كنت موقن ف هنا نتفاجيء إن سيدنا موسى قال إن كنتم موقنين يعني هو واقف بيكلم فرعون وعينه على الملاء عينه على كل الناس مش مفرط فى أى حد يعني وأنت واقف بتعمل جوله وشاب من الشباب سألك سؤال ما تحطش عينك عليه وتسبب باقى الناس الـ معاه كاميرا وكاشفه الناس كلها.. فعشان كذا بيكلم كل الناس الـ واقفه ماشلش عينه عن المدعوين كلهم "إن كنتم موقنين"

ف هنا فرعون لما حس إن سيدنا موسى مركز مع الملاء الـ معاه مركز على الناس الـ معاه فقال " قال لمن حوله ألا تستمعون " ف هنا فرعون لما حس إن موسى عليه السلام مركز مع الـ معاه حب يشئت إنتباههم ليه لاحظ إن هما خلاص بدأوا يبصوا لموسى ويتأثروا بكلام موسى فهنا فرعون بدأ يضرب وبدأ يشئت إنتباه الملاء الـ معاه ، ف هنا فرعون أنزلهم منزلة من لم يستمع تهيج نفوسهم بيقول لهم انتم ما بتسمعوش ف هنا بيهيج نفوسهم عشان يدفع جواهرهم الحميه ألا يسمعوا لكلام موسى هنا عايز يسد قلوبهم لكي لا تتأثر بكلام موسى ف هنا بيشئت إنتباههم وبينزلهم منزلة من لم يستمع ..ف هنا نخرج منها إن أهل الباطل بيخافوا على بعض أهل الباطل بيخافوا على أتباعهم بيخافوا على إهمال بعضهم بعض يبقى إحنا من باب أولى نستحي من ذلك ونخاف على بعضنا إحنا كإخوه بنخاف على إيمان بعض ونحاول نثبت بعض

ف هنا سيدنا موسى لما حس إن فرعون عايز يشئت إنتباه الناس الـ معاه ف هنا موسى نقل دعوته إلى كل الناس بقى " قال ربكم ورب آبائكم الأولين " فلما كان فى كلام فرعون إعراض عن مخاطبة موسى إذ تجاوزه إلى مخاطبة من حوله زى ما قولنا إن فرعون إنتقل من إنه بيرد على موسى لف وشه وإتكلم مع الناس فلما سيدنا موسى لاحظ دى بدأ يوجه خطابه للناس كلها بقى ولما رأى موسى إنهم جميعا لم يهتدوا إلى الإقتناع الاستدلالي على خلق الله العوالم يعني هنا سيدنا موسى الأول بدأ معاهم رب السموات والأرض بدأ يتكلم عن رب السموات والأرض لما لقي أنهم مش بيهتدوا بهذه الأشياء وحس إن المعاني دى عاليه عليهم إيه إلى حصل تدرج معاهم نزل خطوه معاهم نزل معاهم إيه كلمهم ربكم ورب آبائكم الأولين أنتوا مش مؤمنين برب السموات والأرض

نزل معاهم خطوه ..فناخذ من دى التدرج مع المدعو أنتي بتكلمى واحده وحسيتى إن كلامك على عليها لا إنزلى خطوه مافيش مشكله وخلي كلامك من مستواها عشان تتقبل

زى كذا قول على (خاطبوا الناس على قدر عقولهم)

"قال ربكم ورب آبائكم الأولين " ف هنا فرعون قال إن رسولكم الذى أرسل إليكم لمجنون هنا فرعون بيقلمهم مجنون ليه ..بيقولهم أنا بسأله عن حاجه وبيجاوب عن حاجه تانيه دا واحد مجنون بقى حاشاه الله موسى عليه السلام هنا بيستدل بقولهم بسأل عن حاجه وهو بيجاوب عن حاجه تانيه عشان كذا بيقلمهم "إن رسولكم الذى أرسل إليكم لمجنون "

وهنا فرعون الخبيث سماه رسولهم "رسولكم ..الذى أرسل إليكم " على وجه الإستهزار والسخرية بموسى عليه السلام بيسميه رسول لهم عشان يستهزىء بيه لكن موسى عليه السلام ما أتهزش ولم يفقد الثقة فى

نفسه ولكن أشد في دعوته أشد وزاد في دعوته يعني تخيل وهو بيستهزيء بيه تفاجئ ان موسى بيشتد
"قال رب المشرق والمغرب إن كنتم تعقلون "

ف هنا سيدنا موسى نقل نقله ثانيه الأول كان بيتلين معهم فهنا لما فرعون أعرض وأتهمه بالجنون بدأ يشتد
معه ومعهم في أسلوب الإلقاء "قال ربكم ورب آبائكم إن كنتم تعقلون " فإن كنتم تعقلون بيرد على إيه
..على إنه لمجنون

هو هنا بيقولهم أنتم الـ مجانين أصلاً أنتم إزاي شايفين قدرة الله المبهرة دي في السموات وفي الأرض
وفي خلقكم وخلق آبائكم وخلق المشرق والمغرب وبرغم ذلك لا تؤمنوا وتتهموني أنا بالجنون فأنتم الذين
ليس عندكم عقل ..وهنا نلاحظ برود في كلام فرعون " إن رسولكم الذي أرسل إليكم لمجنون " إن و لأم
بيأكد بـ إن و لأم فناخد من دي إن أهل الباطل بيحاولوا يأكدوا لنفسهم ويأكدو لبعضهم إن هم على الحق
وبيستخدموا أساليب توكيد عشان يثبتوا أنفسهم

والأتباع الـ معاهم عشان يدخلوا اليقين في قلوب من معهم عشان مايتزعزعوا عن الباطل الذي هم فيه
فنخرج من دي إن إحنا لازم نثبت أخوانا و لازم نبقا على يقين من ما معنا من الحق وبرود لازم نثبت الـ
معانا ونخاف على إيمان اخوانا

وهنا برود فرعون "إن رسولكم " أضافه إليهم ما قالش إن هذا الرسول أضاف رسالة موسى إلى الملائكة
حتى لا يتأثروا بصدق موسى عايز يزعزعهم ويشد إنتباههم لأن لاحظ إن الملائكة بدأ يتأثروا .. فهنا فرعون
كان ذكي في محاورته لموسى وكان مركز كمان مع الأتباع بتووعه ورغم ذلك موسى رد على كل قول
وأفحمهم في الخطاب

آخر حاجه نختم بيها بقى.. "قال رب المشرق والمغرب وما بينهما إن كنتم تعقلون " فهنا سيدنا موسى لما
رأى سوء فهمهم وعدم إقتناعهم بالإستدلال على وحدانية الله إنتقل إلى ما لا قبل لهم بجده وهو التصرف
العجيب لله عز وجل في الكون دا يفكرنا بسيدنا إبراهيم عليه السلام وهو يحتاج النمروذ لما قال له "قال
ربي الذي يحي الموتى " فالنمرود قاله بس كذا قام جايب واحد قتله وواحد سابه حي قال أنا أحي وأميت

فهنا سيدنا إبراهيم ما جادلش مع النمروذ وإنما أنتقل نقله قال "إن الله يأتي بالشمس من المشرق فأتى بها
من المغرب " ف هنا بالظبط نفس الـ سيدنا موسى عمله مع فرعون ومع الملائكة ماوقفش يجادل معهم في
الشبهات الـ بيقولها دا نقل نقله ثانيه قال رب المشرق والمغرب وما بينهما أنتقل إلى ما لم يمكن إنكاره

عشان كذا لما خلاص فرعون فقد كل الأساليب بتاعته من الإخافه وبعدها الإستهزاء والتهديد أنتقل إلى إيه
"قال لئن أتخذت إله غيري لأجعلنك من المسجونين " خلاص لما ماعدش معاه أى شبهات كل وسائل
بتاعته نفذت ما عدش معاه غير السلاح الأخير المعروف سلاح البطش والتنكيل فكان ذلك كله بسبب ثبات
موسى وبقوة ردود موسى

يبقى سريعا أهم ما خرجنا به من الجوله أن أهل الباطل بيحاولوا يستدرجوا أهل الحق يستدرجوا الداعيه
عشان يفضل يخرج من شبهه لشبهه ولشبهه ويستنفذ طاقته وعمره في الرد على الشبهات دون أن يتكلم عن
مراده الأساسي وهو الكلام عن الله ف هنا تعلمنا من سيدنا موسى أنه رد ورجع تاني رد رد مفحم في

سَطْرین اُتْنین بَس فِی الْقُرْآن رَبَّنَا ذَکَر لَنَا اِنْ سَیْدِنَا مُوسٰی رَد عَلٰی شَبَہَات فِرْعَوْنَ الْقَوِیَہ جَدًاآ مَش اٰی شَبَہَات بَیْقَدَح فِی نَبُوۃ مُوسٰی وَبَیْتَهُم مُوسٰی وَبَیْہَدَدَہ وَرَغَم ذٰلَک سَیْدِنَا مُوسٰی رَد عَلَیْہ _____

والكلام عن الله قلنا الاستفادة الثانية أنه بدأ يتكلم عن صفات الله وقدرته وعظمته فنستفيد منها في الجوله أننا نحاول نكثر الكلام عن ربنا سبحانه وتعالى أنك تتكلمى عن رحمه الله ومدى عظمة خلق الله أتكلمى عن خلق الله عن مدى عظمة هذا الإله أتكلمى عن أسماء الله وصفاته لأن ذلك مما يأسر قلب المدعو .. وإن شاء الله المره الجايه _ تكلمة الـ قلناه المره الـ فانت لو فى أى إفادات دعوه عايزين نستفيد منكم بقا فى الجوله الـ فانت أو الـ قبلها.. خلاص يبقى دا بحث المره الجايه إن شاء الله عايزينه دا تكليف اهو هناقشه معاكم المره الجايه بإذن الله الثلاث الـ أخذناهم المره الـ فانت جولة مؤمن آل فرعون ومؤمن آل ياسين والجوله الأولى فى حياة سيدنا موسى عايزين منكم إفادات دعويه أخرى بفضل الله إحنا بنحاول نجتهد وبنحاول نسوق المعانى الـ نستفيد منها فى دعوتنا فعايزين أول حاجه أننا نستفيد من هذه المعانى و نطبقها فى أرض الواقع وإن شاء الله نزود منها بإذن الله

هذا وما كان من توفيق فمن الله وما كان من خطأ أونسيان فمن الشيطان وأسأل الله أن يتقبل منا ومنكم صالح الأعمال .